

撫州府志卷之二十九

烈女考

易首乾坤書紀釐降詩有好逑之咏禮列婚嫁之儀夫
婦人道之始不容乖也林下之風閨中之秀伉儷之美
昔人評之外此而守一齊不醮之義或慷慨捐軀或從
容盡節質等蒲柳氣凌霄漢閱昭武郡志其足紀者何
多也妻道也地道也臣道也巾幗若此彼丈夫而鬚眉
者宜何如哉志列女

臨川縣列女

撫州府志

卷之二十九

列女

一

唐

蕭氏二女撫州長史蕭歷女也父母俱卒於任長年十六
與女弟同毀容載二喪歸貧不能給次宣州戰馬山舟
人委柩去女結廬水濱穿壙而葬朝夕臨哭有馴烏縞
兔菌芝之祥喪滿不釋衰人高其行或請婚女曰有能
爲我致二柩葬故里當以身事高安尉楊含爲載二柩
歸葬乃釋服歸楊氏

宋

王氏荆國女吳安持妻封蓬萊縣君能詩嘗賦絕句云西

風不入小窓紗秋意應知我念家極目江山無限恨對
人收泪看黃花荆國三妹二女皆能詩如集中示張氏
女弟寄家氏妹蔡氏女子篇什不一可見弟平甫女劉
天保妻亦有不緣燕子穿簾幙春去秋來那得知之句
黃氏處士謝方妻溪堂先生逸之母也讀書教子不以得
喪累心逸嘗自解於前曰逸貧不能治生願爲親憂母
曰女豐于行而廉于財吾志也不得有命何戚爲黃
卒潘邠老銘其墓

董氏謝幼槃妻賢而嗜學幼槃與客論古事有所遺忘董

撫州府志

卷之二十九

列女

二

必能記一日李商老過其家語及五代時有沙陀將卧
疾僚佐見其錦衾曰爛兮終曰我沙陀安得謂我爲奚
偶記其事而忘其姓名遣稚子問之董曰康福

晏氏丞相殊曾孫女父孝廣爲楊州尉建炎間兵至城陷
孝廣殉難女年十五統帥欲娶之女延頸堅求死被殺
梁氏歸王姓僅數月會元兵至夫婦俱被執一帥强汚婦
婦給曰夫在情不忍帥釋其夫婦度夫行已遠即拒罵
奮力與搏被殺後夫謀更娶久不諧夢梁云我托生某
氏當復歸君比遣聘詢其年與梁死日合

吳氏王益妻好學強記于事未嘗有所專益生七子長二人元配徐出也愛之甚于己子二子卒遇其嫠媪異諸婦處內外踈戚甚有恩聞讒訕置之不藏怒也自奉養未嘗擇衣食人以窮來歸者分衣食給之嫁三從孤女如己出待長子之母族如己族方困時朝廷召子安石官之至數四不起或曰盍強諸曰士各有志吾何可強之也及安石知制誥法得封其親敕弗言已安石有歸志以不足于養爲憂氏曰義苟當去吾豈有不安哉其志行如此

函史

撫州府志

卷之二十九

列女

三

吳氏江寧府錄事參軍吳賁女年二十四歸王令未及一年令卒獨有遺腹一女其兄欲奪而嫁之號泣弗許歸老父母之家荆釵素布不事塗飾如此三十二年後在黃池陂獨居掌治陂事歲率農夫千餘人修治堤堰蓄水灌田利及一方一方人循稟教令子弟有不率者自攜檟楚求治之詔賜粟帛以壽終

宋史

元

熊氏江西儒學提舉洪畊母也母節孝賢慈旣卒翰林學士元明善爲之立傳草廬先生署傳後曰明善于人未

嘗輕許其文不易得此有特筆而洪母之賢益彰矣

陳氏淑正陳璧女七歲能誦詩鼓琴元末陳友諒寇隆興淑取棊鼓之曲終泫然流涕曰吾絕絃于此矣父母怪問之曰城陷必遭辱不如早死明日賊至預投東湖而死同時夏氏李宗頤妻亦以賊至投井死李氏餘干李仲公女仲公避兵臨邑遂歸邑人艾子高生子在襁褓苗兵猝至李與夫潛迹遺子於寢李曰吾復入取兒至室被兵執欲污之罵而死子猶在懷中

明

撫州府志

卷之二十九 列女

四

鄧氏名柔玉章宗厚妻婚再期紅巾賊起宗厚死鄧舉目無親徃依父家踰數月子惠生稍長攜歸故里以女紅資生洪武末鄧年六十事聞旌表

殷氏黃克敬妻年二十二夫亾守節享年六十五旌表
陳氏李芳妻章氏單球妻張氏徐琦妻黃氏車進四妻胥氏黃鳳七妻甘氏徐光武妻艾氏謝蕃清妻俱洪武年間守節未被旌表者

劉氏饒伯振妻元國史院編修吉水劉楚竒女夫沒于亂兵劉年二十餘撫二孤誓不易節 徐氏支得誠妻年

二十二夫亾終養寡姑教育二子 丁氏韓伯振妻夫
亾年二十八甘貧守孤壽至七十俱永樂二年旌表
婁氏趙伯達妻年二十五夫亾守節 黎氏吳彥升妻年
二十一守節康齋爲立傳 鄧氏吳伯詠妻年二十喪
夫砥節訓孤俱永樂四年旌表

胡氏中書聶同文妻同文卒于京胡氏扶柩歸葬越數月
子大年生家貧躬親紡績延師課子後大年以文學爲
時推重皆母之力正統三年旌表

葉氏方希軾妻年二十夫卒葉奉姑孝子昇以明經官訓

撫州府志

卷之二十九

列女

五

導景泰中旌表 饒氏鄧鼎安妻年廿四夫死守節成
化初旌表 徐氏周繼聲妻胡氏甘自光妻俱夫亾守
志弘治元年旌表

胥氏李氏胥許配超氏子李乃胥廷儉妻胥之嫂也姑嫂
俱年十七正德壬申盜起突至其里二女從私門走群
盜追之至舍傍湖畔二女相攜投湖死

楊氏王嘉兆妻蚤歲守節事祖姑浣衣滌器出入負荷雖
甚穢惡弗辭姑疾亦如之晚歲舅瞽楊躬爲櫛沐舅死
日泣事聞建坊旌表

鮑氏進士任良貴妻年十八從夫任蘭谿夫卒撫孤足不越闔夫有同籍者宦于鄉憐其貧而厚助之曰未亾人何用此謝去後流寇猝至伏走林間盛霧忽大作咫尺不辨竟得免

何氏舉人伍憲中妻聞夫計偕卒于京誓不復生初投河弟婢救之伺隙復投屋後池中死

李氏贈都御史邱御琇妻夫死子兆麟甫六歲家貧翁姑且老李忍苦守節數十年後麟成進士上節孝狀建坊旌表 趙氏劉世亨妻年二十夫卒守志竟日闔戶宦

撫州府志

卷之二十九

列女

六

故清白趙氏不媿其夫

傅氏女旬姑許配同里陳氏子將歸而陳子沒姑懇請往吊哭已乃上堂門姑舅姊姒遂有終焉之志夫家不可遣還姑却膏沐坐卧一小樓晝夜女紅自贍逾二十年卒 吳氏易雲衢妻衢死苦節年七十三卒孫占吉廛邑盧氏屠兒妻舅姑皆老屠以織嗇資衣食婦攻苦食礪日儲肥甘以奉舅姑屠未之知也久之舅姑疾廢婦事之益至閭里共義之爲言于郡榜曰孝婦盧氏之門

徐氏監生許敏妻通判徐文升女也敏病三年徐躬親湯

藥終始不倦既卒截髮死守扃戶深居

劉氏危時行妻楊氏時行子世純妻也劉二十而寡楊二十五而寡世純無子楊立族子爲嗣訏奪群至是時劉年已老楊嚙指毀面誓死養姑訏奪始息劉壽至九十年楊八十四而終陳九川題其堂曰重正且爲之記

唐氏饒贊妻生二女夫沒側室甯氏方娠未幾生子季女謀毒之母驚覺泣下遂訟於官而仇其女太守周公瑛嘉其節義唐年八十一甯年九十三同以完節見稱

范氏傅炯七妻歸一年而炯死姑憐其少諷之嫁范毀容

撫州府志

卷之二十九 列女

七

誓死終不能奪 喻母周氏年二十夫死守志壽至七十三學使陸之祺顯其門曰永霜姘節

邱氏王霈妻無嗣蚤寡富人聞其美謀娶之厚往納幣翁許焉邱閉戶縊死應雲鸞奏聞旌表 黃氏彭亨妻黃氏李元潔妻黃氏詹滾妻楊氏喻詔妻俱蚤寡守節建坊旌表

曾氏彭金八妻年二十夫溺水死曾生一女方彌月聞訃抱女往求屍竟不得曾棄女欲以死從家人驚救屍忽浮出及服闋兄逼令改適曾碎一器誓曰此器完則嫁

引刀斷髮兄乃止以守節終

徐氏許字同邑吳秉壽未婚秉壽卒徐聞訃固請于父母
往哭其家遂誓死不返守節奉姑撫姪爲後嘉靖九年
建坊旌表年六十餘終

陳氏黃庭賓妻御史紀之子婦也事姑孝姑卒于京同柩
南歸陳哭屢絕夢見姑曰玉河吾與汝相遇也及天津
登舟問舟人水名對以天津玉河陳即赴河死天津萬
艘聞者哀之爲立孝婦祠

劉氏傅道匡妻劉同亨女父病噎絕粒五日女割股食之

撫州府志

卷之二十九

列女

八

病即愈人以爲至孝所感

湯氏吳重佐妻夫亾撫女守節女嫁湯自縊死 劉氏徐
□承恩母年十九而寡守節歷八十六年旌表

李氏孝子張世澄妻夫亾守志姪希孔亦至孝早世妻胡
氏痛之幾欲自絕省方使至數式其閭

邵氏上元人適邑庠范宗儲年二十八儲卒邵甘苦守志
教子成立後幼子應蛟任江夏丞巡按張嘉旌之

姜氏周士正妻士正失怙母撫孤孀居士正長娶姜氏生
子甫週而卒姑婦相依各以節終 湯氏曾全妻年二

十夫亾守節夫叔御史曾佩銘其墓

張氏管建中妻年二十五建中死姑老子天衢甫六歲父以張年少諷使再適張曰有姑當事有子當教兒屬所生奈何誨以禽行勤女紅以事姑延師課子後天衢領已西鄉薦第第二卒無喜色壽七十三卒建坊旌表

余氏吳世龍妻小字瑞玉世龍卒於官今年二十五守節事兩代姑訓子帝簡後營姑墓有白鳥來巢之異巡按徐養心旌其門曰節孝雙成

陳氏熊秉謙妻早寡撫孤守節性至孝姑病侍疾三年不

撫州府志

卷之二十九

列女

九

怠姑年踰九十卒時當事欲以節孝請旌陳急止之曰此吾分內事也若以求名吾豈欲乎孫經戊辰成進士疏請旌表

方氏黃應聘母歸黃三年夫卒誓死守志撫子事姑年至百歲巡方至爲表其門 曾氏傅鏜妻年二十四而寡撫三子守節終身年九十有七

國朝

曾氏曾公益幼 節推徐景行仲媳十五歸徐敬承婦道乙酉避居母家爲兵所執強逼之不從初截其髮再斷

其左臂憤罵益甚衆怒縛置柱間裂體剖腹以死
管氏豐城人配臨川御史劉逵封孺人逵幼孤且貧有姑
適北澤甘姓育而教之管父識逵於童子因以女字既
歸饗殮不給解衣餼佐生夜勤女紅伴讀庚午逵領鄉
薦第一甲戌成進士令寶應擢御史按廣東未幾閩寇
踞撫逵揭家依劍江之引陂除日花馬兵突至管被執
奮罵曰我命婦恨無力磔汝甘受辱乎衆怒殺之寸傷
而死子年十五并殉帥廉知爲臨川僑居者甚悔逵痛
婦子俱亾不越月亦卒

撫州府志

卷之二十九

列女

十

鄧氏 陳廣五妻年十九夫亾無子矢志靡他順治甲
申山寇圍劫鄧匿屋後高明樓寇逼近遂投樓下藕池
中死三日屍浮水面家人收而葬之

常氏周文甫妻明末避兵靈山兵至不甘辱棄抱孩躍井
死越四日起之面目如生夫感義誓不再娶子三有孝
行孫紹武因父病習岐黃後任醫學語及祖母輒號泣
陳氏庠生羅璟妻進士其彥姊也璟暮歸遇虎驚仆田中
從者掖之抵家暗不能言狂戰數日而死陳出百金招
善獵者索之果得其虎殺之柩前祭其夫時以爲至情

所感苦節自守壽至八十三卒

某氏婦乙酉夏兵至撫次口衆于南市天符廟側見刃死
一婦屍年約二十美姿當盛暑裏服皆三四襲上下以
針線密縫衣口無隙可解蓋預防見執而誓以必死者
衆哀棺殮之不知名氏傅太常雲岑作歌以傳之

黃氏臨川黃卷女適李應第年二十八而寡植節撫孤孝
養翁姑喪葬盡禮皆出十指所辦順治丙戌丁亥兩歲
大稔米至斗千錢期功親屬鬻田宅殆盡黃令子花析
已宅居之花領丁酉鄉薦後改名仙客黃訓之極嚴至

撫州府志

卷之二十九

列女

十一

是小有過差猶杖責之不少貸雖老尙躬操作子止之
則曰汝家故貧賤也吾習於勤久矣敢啟後人之惰乎
壽七十有二終孫茹旻登康熙癸巳進士雍正元年以
中書舍人得請移封

勅贈太孺人

樂氏女孝廉樂徽聲女孫邑庠大薦女戊子土寇作女爲
賊執強之去乃堅抱一柳樹不行拽之不能動賊大怒
奮力用利刀砍之頭與木俱斷兩手尙抱柳樹其屍不
仆 同時李長玉武舉李士益女賊執不從投池而死

其母楊先是割股救姑邑侯張拱端旌以孝婦烈媛建坊旌表

袁氏增廣生王立儒妻儒早卒袁年二十餘堅守苦節撫遺孤奕京成立康熙二十七年建坊旌表

王氏孝廉許晉妻時王得仁叛黨號楊先鋒肆掠郡東南王偕叔姑徐氏避兵渡江猝遇寇江澣爲所掠王奮罵曰吾名家婦豈受辱乎賊揮刀斷臂死徐亦赴江水死孝廉黃恢宏作烈女傳晉年四十感妻死終身不娶歲時詣墓哭之

撫州府志

卷之二十九

列女

十二

艾氏東鄉舉人廷選女適劉御史達子日亮婚兩月值金聲桓王得仁之亂日亮送母管避兵北澤中途被掠母子俱死艾年方十六矢志靡他後十餘年有與日亮同時被掠者冒爲日亮脫歸云未曾死舉家驚異其年與貌俱相彷彿獨面多痘孔以日亮當時尙未出痘謂其本色爲痘所壞衆遂信之莫辨其僞艾獨嚴拒不許入內乃以曩日閨中數事問之其人支離莫對艾叱家人縛之將送縣官窮治其人叩頭乞命具吐其實果族子某也衆愈欽服族以日亮從祖兄日盛爲其翁後艾以

盛子汝增爲夫後教之成立壽至八十八終

易氏白樓應昌公女歸司理徐僖子世德德早卒易年二十四子元功方三歲矢志守節夫叔姑四人皆幼易兼撫之既而相繼皆歿前後凡七舉喪惟存遺孤元功遇兵至猶以書篋自隨曰吾以延徐宗者此孤兒吾以成孤兒者此書篋也年八十卒

何氏庠生李從宜母年廿一孀居撫孤又余氏庠生陳鍾鳴妻年十九夫卒誓志守節立繼承祀有司俱旌其門戴氏張心泉妻善執婦道勤恪有常度心泉卒戴敬事舅

撫州府志

卷之二十九

列女

十三

姑教三子以義方後孟仲大有文名季成進士年七十六終

過氏庠生趙時所妻年二十而寡食貧守節每哭廟籲天乞全趙氏一脉訓子天祐成立甥揭嵩庵幼孤依過氏撫育後成進士爲誌其墓

許氏黃廷臣妻廷臣爲陳氏判有惠政歸里後設義館義田樂施賑皆許內助力生子六俱諸生幼華暘丁郊副榜母享年百歲建坊旌表

□氏傅南湖妻南湖有雋才早卒曾年二十一殞絕數四

因季子生纔三月嘆曰吾不可死乃含淚撫育雖日不舉火扃戶鍼繭後三子長稍能自給母家有欲奪其志者曾曰餓死不可失節況今已不餓耶年九十七終

李氏 鄧象吾妻年二十八夫卒子文秀幼家貧苦守養姑盡孝 國初寇難奉姑及子匿深谷採草根食或吞炭爲活子長延師督課曰後嗣不隳書香乃可見吾夫於地下年七十三卒

江氏新城舉人士揆姊適庠生李闔穗穗卒江年二十三守志奉姑撫二幼子日夕自力以衣以食至老足未出

撫州府志

卷之二十九

列女

十四

戶笑未啟齒身未服綵色之衣壽七十餘終子廷樹廷楫能世父業孫饒文領雍正癸卯 恩科鄉薦

吳氏監生李遷喬妻年二十五夫死守節課子年六十八終

黃氏傳明垣妻時寇發黃奔于郊賊尾急距百步許知不可脫路傍有清流遂赴之賊大聲呼曰吾不掠汝黃恐其緩已愈深入而死

謝氏黃三極妻極以順治甲午舉于鄉未幾卒謝年二十有六母氏欲使易節迎之歸寧道經蕉樓下赴水而死

饒氏邑庠鄧邦俊妻俊家貧力學早夭饒年二十一生男
二長三歲幼百日慟欲身殉親族以翁姑老子幼勸之
乃忍死守節戊子金聲桓陷撫饒引刀截髮破面損容
奉姑攜幼遁山谷得免長媳饒氏節婦姪女年二十四
夫匡國學成而殤誓同守志姑病祝天願以身代姑年
八十三卒媳年七十卒

劉氏副使陳鍾盛副室年十九夫亾無子女就養嫡子誓
死守志終身未聞笑語每寒食必躬親掃奠悲號逾夕
鄉里皆高其節卒年八十 鍾長子庠生觀潮妻劉氏

撫州府志

卷之二十九

列女

十五

明御史達從女年十八夫亾遺孤廷柱尙幼宦業中衰
甘貧堅守紡績爲課子計寒暑不輟卒年七十八子廷
柱庠生孫之變餼郡庠 鍾三子廩生贈文林郎觀潢
副室繆氏崇仁女年二十八潢死悲痛幾不欲生以姑
老子幼勉止之後姑亾哀毀盡禮脫簪爲葬嫡子廷桂
迎養楚署不就家居課子食貧自若卒年七十二子廷
槐廷相以學行舉鄉飲廷栳郡庠生

游氏進士東昇姊適逸士楊譽年二十五譽卒家貧苦節
養姑課子孝慈俱至子仍度以明經任九江德化訓導

孫媳周氏光印妻杜氏光聯妻左氏光及妻皆年少苦
守族黨共稱其節

管氏贈翰林院庶吉士晁昺妻翰林院編修管愷妹昺卒
三子俱幼翁姑老痛子卒相繼歿管持三喪葬祭盡禮
課子口授經書日夕繩督子子管翰林院庶吉士子靖
吉水教諭子宣庠生

陳氏黃貽遠妻年二十六夫卒事姑養葬盡禮子球時年
五歲勉之讀父書補弟子員學使李公旌之

鍾氏儒士周道興妻年二十二道興卒子二長年六歲次

撫州府志

卷之二十九

列女

十六

四歲鍾矢死靡他母家欲奪其志泣誓不可年七十九
卒鍾姪婦鄧氏周敬初妻年二十六敬初卒子二長十
歲幼八歲志切撫孤與叔姑鍾氏朝夕泣對計昌周後
年七十七卒鍾姪孫婦黃氏周和甫妻年二十四和甫
卒子一僅七歲痛不欲生鍾勸之曰妻道死非難撫孤
成立爲難黃泣謝步趨鍾鄧終身無間言年七十五卒
鍾重姪孫婦鄒氏周景萬妻萬力學以療疾死鄒念翁
姑年俱七旬以上子一方年七歲忍死守節丁亥歲饑
隣有嫠婦幾易節鄒日給餐俾無他志後婦脩稱其德

年七十三終

某氏鄒賡錫妻賊掠不從砍數刀推墜坑中死

危氏洪氏邑庠張應璘妻璘卒危無子年二十八洪子二

時年二十四相約死守非至戚不謀面歲饑節食食隣

里紡績贏餘買棺以給道死者曰吾爲張門集福耳危

年七十洪年七十二卒長子勳邑庠生幼奕星業儒

李氏侍講來泰女適郡庠游岱輿年三十岱輿卒李守志

教三孤皆能成立壽至七十六卒

某氏熊立四妻甲寅土寇作氏懼污跳印山池死 同時

撫州府志

卷之二十九

列女

十七

徐氏黃徽十妻投古井死徐氏熊軒一妻被劫跳入回

龍岡前池中死托夢于夫求之果得其浮屍

郭氏黃希倫妻被兵所掠行里許給之曰無執我我能行

矣遂跳入深池死後求屍又得一少婦先沉於此 同

時徐婦揭氏被執投院前橋水死 邱婦徐氏亦攜女

同死 又某氏鄒賡錫妻賊掠不從砍數刀推墜坑中

葉氏周長壽妻年十九夫卒越數月生子延禧母家欲令

他適堅拒不從忍苦撫孤年八十卒

羅氏袁止吉妻年二十二吉卒子甫兩月值甲寅閩寇之

變踉蹌走避預懷鳩羽以待不虞寇忽及之急躍入污泥中抱兒號泣出所懷鳩羽嚼之賊乃棄去得不死以完節終 左氏袁却私妻年二十五夫卒左苦節自守日勤紡績奉姑教子督學冀公郡守任公俱給匾旌其門 聶氏袁却靡妻婚二載夫客死于楚聶年二十六盡鬻家產奔喪以歸與左氏先後同守苦節邑令王嘉錫旌之 陸氏袁介眉妻年二十夫亾家貧如洗陸勤女紅以奉老姑自取隣家糟糠食之苦節篤孝人無間言吳荆山學士給以一門四節匾額

撫州府志

卷之二十九

列女

十八

楊氏李日淑妻年二十四夫亾子甫三月楊矢志撫孤會甲寅兵變土寇肆掠楊毀容垢面抱子轉徙卒免于難亂定勤儉教子年六十餘終

羅氏生員吳子爵妻年二十四夫死守志四十餘年課子成立以完節終

錢氏陳廷機妻姑謝太安人素多疾錢躬侍湯藥朝夕不怠年二十一夫卒遺孤自炯甫週甘貧守志伯廷桂官楚仍攜母子就養諸凡綵色服飾謝不忍御每逢忌日引子瞻拜遺容且泣且教卒年六十五

王氏陳淑潘妻年十八生一子士韶僅二歲夫渡河從學覆舟死信至疾趨渡口躍赴以從者救止始立石涯次觀者莫解後翁死子長決計自盡夜半遂于立石處投河而死鄉人烈之 李氏陳寅序妻年十八歸陳越三年夫卒無嗣誓欲相從力勸乃止厥後孝養舅姑較夫存更篤遇夫遺澤不敢號泣恐傷姑心惟隱忍淚下撫姪增孫爲後教養終志

林氏徐榮佐妻年二十五夫卒子重芳幼舅姑以林年少命改適林誓志死守孝養益篤子長督勉就學郡守任

撫州府志

卷之二十九

列女

十九

錫以匾曰松筠柏節卒年八十三

黃氏周元五妻歸半載夫賈滇南卒黃聞慟絕因男產甫一月懼斬周祀忍死守志值年頻饑採蕨自活奉姑必豐姑死喪葬盡禮郡守閻匾曰節壽高標卒年九十五周氏余憲章妻年十九夫卒子文秀僅半週周哀慟幾斃翁姑泣勸乃節哀乳子以延夫嗣紡績以贍養翁姑卒戒子曰苟喪葬禮缺是使爾父受過地下也年四十七而終 鄒氏李德榮妻年廿八夫死守節至六十二終祝氏庠生祝秀女同知蕭漢英子庠生文選妻選早世撫

孤守志艱苦備歷性至孝事庶姑無失禮尤樂施濟遇困乏者不惜質產助之卒年五十一子愷庠生

許氏庠生王景輝妻年二十夫亾苦志教子左通政魯公瑗贈匾以高其節卒年七十子世豐庠生

董氏曾琮妻矢節教子以壽終

李氏萬育瑞妻夫卒無嗣撫姪守節年九十六終

錢氏婁步岱祖母夫死守節教諸孫力學以壽終

某氏謝雲衢妻四世孫體仁妻楊氏並年少夫亾甘苦守節而終

撫州府志

卷之二十九

列女

二十

湯氏孝廉湯孫緒女寶慶府推官邱振翼孫瓊玉妻夫亾苦節五十餘年年七十卒邑侯李旌曰名門令女

饒氏陳鉞四妻年十八夫死生遺腹子忍貧守志孝事翁姑訓孤子成立年七十六卒

金谿縣列女

唐

烈孝二女寶歷間金谿尙未列縣嘗設場冶金官收其課治涸而課不及女父逮繫二女憤之以身投冶中死事聞父譴獲釋其治場亦廢衆因立二女廟顏曰唐烈孝

二女祠春秋祀之舊志未詳名姓按通志載葛祐女

宋

胥氏父自牧居士能謙與象山先生友女竊聽其言論明大義適黃君雋未朞而寡服除父問所志答曰不事二夫有古訓在生爲忠孝家婦死爲忠孝家鬼盖君雋爲彥遠後故云比卒包恢爲之銘

何氏名師蘊抱甕先生天棐女也日誦千言父以比謝道韞適葆光先生從子饒腹喜浮屠教編閱華嚴諸經一日偕夫往白楊山寺作失假山偈曰片石忘來歲月深

撫州府志

卷之二十九 列女

二一

昔時求覓到如今誰知只在家山裏枉費工夫別處尋
孀居四十年自號懶愚道人有詩集

徐氏名蘊行喜讀書工歐虞筆法爲通判蔡連妻以賢婦稱暮年盃心內典手繕華嚴諸經號悟空道人

元

鄧氏名正定葛繹妻年二十八而孀至正問鄉寇至鄧氏負資囊挈孤子竄伏田間盜奪其囊復牽衣欲污之鄧罵曰我儒家女守節若干年豈爲賊辱遂被殺

□氏名瓊尙書鄞縣程徐之女適同知陳介至正二十七

年寇至城母金氏謂瓊曰我爲命婦汝進士妻不可失身瓊曰卽微母命亦粗知大義矣母女俱赴井死介感其烈終身不復娶

曾氏二女宋進士知浮梁縣曾周南之女弟與女也俱在室元初山寇至被執驅使行及臨澗水二女相約不可污偕溺而死

明

胡氏吳泰安妻早寡母諷使他適對曰女不幸無夫夫不幸無子願相從地下潛縊于室賴隣嫗救甦卒守志以

撫州府志

卷之二十九

列女

二二

歿

王氏聶孟啓妻啓卒王年十九子方半歲守節撫孤教育有成卒年七十五臨川聶大年志其事

徐氏 龔斲妻斲死徐年十八子方一歲正潔自持年六十二卒

王氏名喜玉鄒春妻歸鄒甫半載春卒王年十七舅姑俱歿僅一婢相隨終喪後更衣縊死邑御史洪栢山傳之陳氏女名細秀父璉遘劇疾女年十四禱天求代或傳軍峰山懸崖千仞捨身墜岩禱無不應女偕祖徃旣登崖

躍然投之祖攀援而下視之體肢如故惟額少傷挈女歸則父愈矣其孝感如是

徐氏周鈺妻年十八適周甫兩月母病亟歸省踰數日鈺忽暴卒未及永訣徐痛幾絕時盛暑徐親視窆亦遘疾後遺孕生子瑄乳三歲姑諷以改醮乃毀容寂處奉姑教子茹苦數十年而終邑人王冀有傳

劉氏周足妻足死劉剪髮納棺中及葬畢遂服砒礪困七日死劉教諭傳其事

徐氏王福地妻年十八歸王僅兩月福地死無子守志辛

撫州府志

卷之二十九

列女

二三

勤以事舅姑年七十五卒巡按史弼上其事建節孝坊
劉氏秉中女生員陶宗侃妻年十七歸陶十九而寡遺孕生子越四歲亦夭或諷之改適矢死靡他至六十終建坊旌表

李氏庠生羊一麒妻麒先世本王姓後經難易姓羊李年十六夫卒誓無他志代夫養姑孀居歷六十年萬曆間御史秦公大夔中丞陳公禹謨請建坊旌表雍正五年裔孫鰲成進士得請 旨復姓

□氏名孕醇柱史紹元公孫太守謝廷諒之子婦幼工吟

咏因以許謝歸謝十年夫死訓子士鸞自蒙養至成人未嘗就外傅所著有梅石集悼亾詩百首

唐氏邑庠王道隆妻年二十一夫死家貧撫子守節事舅姑以孝歷五十年御史謝公爲上其事建坊旌表

黃氏中洲吳炆妻歸甫三年炆客遼死黃忍貧苦節孝自持年八十三卒

陳氏監生徐元程妻臨川通判豳女也程死無子徐泣曰徐氏之鬼將不血食抱二歲姪爲後辛苦撫鞠及長且有室乃命葬舅姑夫三喪鄉里皆高其節

撫州府志

卷之二十九

列女

二四

劉氏名恒玉聶裕妻子子桂甫一歲而裕死劉年方十九泣欲自絕姑襁褓以屬劉曰吾老矣如孤何後翁姑繼歿葬祭如禮年六十餘卒生孫曼荐於鄉曼孫廷璧登進士

許氏龔斲妻斲貧客蜀三十年舅姑垂老手足痿痺許躬進飲食背負以行及卒營葬盡禮年七十三終

胡氏聶宗實妻時有賊犯境胡同其側室王氏涉前溪以避聞賊逼近遂墮於深瀨王挽之亦同墮而死洪範爲

立傳

許氏監生周孔孜妻陳氏孜子可大妻孜往謁選歿于江
時可大僅三歲許號慟瀕絕恨不卽殉可大十五補邑
庠陳十六爲大婦三年大中痘殤陳年十九一女在襁
姑媳相依爲命堅持苦節孝廉吳堂爲作姑媳節孝傳
黃氏楊應宿妻應宿侍父煥河南官署父染疫疾籲天求
代次日父病果痊宿遂染病而死黃痛夫卒一子方半
歲忍死撫孤未幾子復夭拊幼孫式穀同媳湯氏相倚
守節郡守張公顏其堂曰一門節孝

唐氏王紋妻紋久客楚地舅姑垂老唐殷勤侍奉忽被隣

撫州府志

卷之二十九

列女

二五

火延及所居唐冒火負舅出走火大熾復入負姑出烈
焰灼身舅姑與唐俱無恙隣里稱爲孝感邑人黃直有
詩

周氏吳邁妻知州九洪女年十六歸吳數年邁卒守節事
舅姑以孝聞後以兵亂投沼死

國朝

桂氏方伯紹龍次女幼涉經史通大義年十六適聶以偕
舉人志宏季子也甫二年偕死桂不食扼吭者至再母
孫氏力護之後兵亂隨母奔匿泣謂母曰兒不復事母

矣退歸解帶自縊死後六年母孫氏避兵黃通寇執怒罵遂遇害

王氏庠生王應蕃女陳其諤妻年二十二隨母避亂王度不免給母前行以身投藕池中手掘污泥死踰三日收屍見其十指甲盡脫視他赴水者爲尤慘矣尋王氏母亦死

聶氏叅政文麟之次女適李大覺長子元善及遭變谿賊徧掠聶爲所獲義不受辱厲聲大罵遂奪賊刀自殺

劉氏王庭祥妻正靜而慧裝厚百金悉出以資養勸祥力

撫州府志

卷之二十九

列女

二六

學艱於嗣欲爲祥置媵隨避亂遇兵劫之不可加以刃手自理髮投刃而死庭祥感妻死且哭且詈尋遇害徐氏名桂英徐源女黃天十妻丙戌遇寇至徐赴河投水寇挽其衣而起欲污之乃奮臂絕袂復躍入河寇怒傷七鎗而死

邱氏邑庠王民悅妻丙戌土寇踞谿城邱年三十隨民悅避兵劉家源猝遇寇至民悅疾走邱乳抱幼子急引錐刺面血流被體旋躍入污淖中寇怒不得近連發矢射之深中左脇寇去邱強起實子于地力拔箭簇不出尋

痛絕民悅奔救見妻死痛哭藁葬復攜子以遁孝廉王肇珩紀其事

胡氏周惟清妻年二十三夫卒撫遺腹子輅誓志守節設夫神主于室東偏有孤燕來巢服除始去其族松下老人君錫述其事作孤燕詩

危氏周灼九妻丙戌金聲桓兵掠谿城危隨夫避兵南蓮村嶺夫婦俱被執危佯謂夫曰歸取篋中銀贖我掠者信之釋其夫良久知爲所紿縛之去不從挾以笞罵不絕口遂遇害時年二十六

撫州府志

卷之二十九

列女

二七

兩吳氏橫塘張思理繼理妻也俱早孀亥子間寇掠金谿其姑長吳請代奮起奪刀遂見殺幼吳懼爲所污併罵賊死姑得釋享年七十九長吳子冠玉順治甲午鄉薦傅氏名純玉徐翼龍妻時流賊八撫境蟻屯赤橋龍爲所執傅向前叩免賊乃迫傅上馬傅以頭觸地死旋復甦促龍曰君自逃生無爲我累投塘水而死後翼龍順治辛卯拔貢

饒氏余念慈妻年二十三夫隨翁商楚俱外卒子甫四歲

饒痛兩骸遠暴乃與生父謀偕往楚迎柩歸葬丁亥奇
荒出粟賑活甚多戊子土寇四掠各相戒不入余門以
驚恩母盖中有受饒賑者又危氏周洛濱妻寺丞周京
元母徐氏庠生李士翀妻孝廉日光女孫俱年少夫亾
守節終身

傅氏名靜姑臨川傅占衡女適黃漢章甲寅寇發傅率女
悅慧避兵華家溪被執義不受污呼女同躍入華溪死
蕭氏庠生車聚奎妻年二十七奎卒子期遠十歲亨生甫
三歲蕭守志自力以養教之值甲寅閩寇之叛遊兵肆

撫州府志

卷之二十九

列女

二八

掠蕭走匿山中被執憤罵不屈身被數刃以佯死仆地
得免人欽其節亦服其智後二子並有聲鬢序學使魚
鸞翔獎以松栢正操卒年六十有七同邑副都御史江
球爲作傳序

熊氏車統百四妻康熙甲寅閩寇入境肆掠熊從婦女數
十走避汾水祠側閉一室中一卒衝入衆已登樓熊獨
被執逼之上馬不從復以刃加頸逼之不從遂遇害

唐氏王壽妻甲寅土寇發氏爲所掠強欲污之唐給賊令
釋其姑與子賊從之唐度姑抱子去遠跳入魚池中死

學憲王旌其門

王氏名富英邑庠昭甫女許配蔡槐歸踰年甲寅土寇竊發王爲寇所掠強逼之不從乘間自縊而死孝廉余爲霖作傳

戴氏車體嚴妻會魁文龍嫡母也年二十二夫客滇不復寡

居食貧教子存祭產保祖塋壽七十二卒督學魚公給以崇節闡幽匾額邑明經熊遠爲之傳

周氏余時達妻年十九甲寅閩寇劫掠鄉村氏爲所執挾之上馬憤罵不從賊怒揮刀斷其首 同時余爾旭妻

撫州府志

卷之二十九

列女

二九

黃氏聞兵至深閉戶內有餓婦求食黃啟門猝被兵執驅之行奔入深塘傷箭而死 又張氏名瓊英遇賊執之不屈被殺

蔡氏名淑英邑庠王尙文妻值乙外閩變兵掠臨坊蔡攜女大玉奔竄爲兵執俘之去至南城楊家峽玉指溪水語蔡曰兒知所以自處矣遂相持同躍入水死督學王給匾曰雙節清風

蔡氏任鳴鸞妻年二十七而寡奉孀姑極孝撫孤成人孤隨天同寡媳育孫守節數十年壽八十餘邑令給匾旌

之 周氏胡某妻年二十四夫死家貧子幼孝奉翁姑
守志不二邑人劉葆采爲之傳一李氏王贊侯妻年十
九喪夫忍苦守志伯姆逼之嫁誓死不從養孤成立年
六十七卒

吳氏李能妻年二十六而寡冰操自勵事翁姑以孝訓兩
孤以禮年九十卒邑令旌其門曰柏操松齡孫登龍任
四會縣丞條陳弊政力甦民困至今祀名宦咸謂氏節
孝所致云

吳氏戴繡山妻習內則通大義年二十四夫死子一生甫

撫州府志

卷之二十九

列女

三十

六月誓志不二治家訓子內外無間言壽至六十孫玉
藻順治丁酉舉人

朱氏邑庠生何元輔妻年十九而寡父母憐其無子勸令
改適王堅志撫姪姪旋卒乃撫姪孫以終志年七十五
汪氏臨川女許配金谿鄭侃生未歸侃生疾歿汪往哭誓
不復返孝奉翁姑翁尋卒事姑益謹家貧織紵供食族
有周之者汪悉謝去年六十五卒

陳氏惟易先生女適同邑姜興伯甫二載夫亾陳年十九
無子守節孝養姑嫜姑卒年逾九十陳哀毀幾絕喪葬

畢隨歿年六十有二冀學使旌之

周氏邑庠李熙春妻年十八夫死滇南三姑在堂一子在襁褓周守志不二養姑訓子一遵女誠年七十三卒子文瑋入太學孫之業聞喜縣丞之爵庚子舉人

戴氏胡可正妻年二十夫死撫孤守志家貧勤紡績以資姑養壽九十三卒長孫宗孔太學生次宗聖任汀洲司廳三宗武癸巳恩科舉人幼宗文癸卯科舉人任連江知縣

余氏名愛璧余爲霖女胡天昇妻年二十生女一甫三歲

撫州府志

卷之二十九

列女

三一

天昇病囑曰可養此女俟長適人後聽汝爲之及死余剪髮毀容誓志靡他歷十七年女長出嫁次日縫束衣衿寢卧絕食至九日而死

楊氏邑庠胡宗亮妻侍翁姑奉養惟謹翁病篤手奉湯藥籲神祈以身代翁以壽終後姑老且病楊侍養一如翁在時十餘年卒無倦色宗族嘉其孝行子大夔補邑庠劉氏邑庠劉泰生女周元育妻年二十五夫死子生華方四歲姑老家貧茹荼飲冰奉姑教子華補邑庠劉年七十知縣任元撰匾其堂曰勁節宜壽

胡氏馮元祚妻早寡守節年六十四卒

吳氏車宣文妻幼習內則禮經年十八歸車甫三年宣文客死滇南吳侍姑撫子婉婉勤劬苦節數十年以壽而終

倪氏貢生劉國任子公拾妻年二十七公拾病卒蜀地子二俱幼姑復老倪耐貧苦守朝夕侍奉外每訓子曰汝當承先世儒業我織紵資汝艱辛我勿辭也壽至七十七子震宇邑庠生

胡氏孝廉大業女邑庠生劉德元妻年二十三德元病卒

撫州府志

卷之二十九

列女

三二

胡誓死守志孝事舅姑養葬無失禮後二女適人屢欲求自盡父力勸之依弟兄度日壽至六十有四

徐氏楊公振妻年十九而寡撫孤守節歷五十餘年康熙五十六年建坊旌表

徐氏劉遠及妻夫亾無子母勸之他適引刀割面誓不改節撫姪承夫後繼姑歿痛哭踰月而卒年至五十雍正三年建坊旌表

周氏劉正侯妻年二十七夫客外死周聞訃投繯欲自盡戚屬勸以遺孤無託乃止食貧茹苦撫孤有成雍正六

年建坊旌表

吳氏戴心玉妻年二十七夫死子錫乾際盛皆幼家計蕭然吳柏舟自矢躬勤紡績延師課子俱爲諸生壽踰九十卒

劉氏戴日昇妻年二十六夫卒撫子起鳳甘貧守志鳳年四十五病歿劉哀痛成疾壽至七十餘終

許氏名賽英邑庠生士獬女許配饒書未歸書卒許時年十九慟哭徃吊母強之歸遂剪髮自誓與孀姑王氏甘貧守節年三十四以毀瘠病終

撫州府志

卷之二十九 列女

三三

周氏傅惟五妻年十七夫歿周哀痛求殉父母曲勸稍解撫三月遺孤誓志靡他事舅姑孝養備至年四十卒子良弼國學生

傅氏邱宗文妻年二十五夫死哀慟絕粒姑責以撫孤始強食曲盡孝養勤撫二子苦節數十年壽至八十九御史陸給匾曰壽節雙高孫志揀舉進士任宣州府鎮周氏李廣生妻年十八夫死無子孝事老姑甘貧守志及姑死周亦痛傷旋卒

吳氏黃雲從妻年二十三夫死子幼矢志守節奉姑教子

不怠姑以壽終子蘭生補邑庠年七十二卒

林氏余金叅妻歸余日夫適暴卒林伏棺慟哭幾絕隨執喪禮守節奉姑居十餘年夫弟客外久林力請于姑促之歸鬻妝爲叔婚後撫姪以繼夫歷七十三卒

張氏傅良橋姪孫媳年二十無子夫病篤囑之再醮張許以身殉夫曰偕死則傅氏無人奉祀張乃忍死守節後二十年有叔自客歸張曰吾乃可以見夫矣遂不食死胡氏李元白妻年二十七夫死胡食貧課子勤緝績以資其學子祖衛登康熙乙未武進士人以爲苦節之報縣

撫州府志

卷之二十九 列女

三四

令李徧德匾其堂以表之

劉氏胡宗疇妻疇苦學病卒劉年廿五痛夫賫志殷勤訓子勉以成立壽至六十終

胡氏周經侯妻年二十二夫死遺腹子夔少嗜學胡督課嚴甚奉舅姑孝養俱至壽終六十四

李氏陸德五十二妻年十九夫死守節後姑患氣疾日夕調護終老不倦宗族服其節孝及李死爲置田供祭以垂後

劉氏邑庠生王琮妻琮死劉痛夫無後撫姪大勇爲嗣奉

姑以孝聞年五十九終邑令萬顏其堂曰節孝可風
李氏汪子廸妻年二十三夫卒生二子俱幼李苦志守節
長子復殤家貧紡織爲活年九十有七

崇仁縣列女

宋

徐氏田家女也建炎三年王世雄叛犯境徐年甫笄美姿
容賊得之徐抗聲罵曰身可死不可辱賊怒剗剔鬻割
罵不絕口黃嗣興作傳宜黃李郭作詩哀之

陳氏寺簿黃丙炎妻性篤孝舅病癱瘓動止須人時寺簿

撫州府志

卷之二十九

列女

三五

以教授生徒未能旦夕侍側陳奉甘旨掖步履脩極其
勞後寺簿宦金陵與使長覆帖嘗云糟糠之妻非惟夙
同辛苦寔能盡孝先親奉養七年凡僕婢掩鼻望而走
者皆夙夜躬執其役炎固得出館以營薪水乃今依棲
門墻裕于而家亦天之所以報此婦也

元

楊氏名如春儒士楊霖女至正間賊入其家縛如春欲污
之哀號噉眦勢不能強祖母吳爭之賊揮刀傷其右臂
隣族共出金帛助贖得脫如春曰祖母因我受傷我生

天地間何益乃自縊死時年十五越三日吳亦卒趙德莊哀之割地附葬于奇湖之上

熊氏劉紹可妻年二十五而寡子觀甫二歲教訓成立克承先緒嘗爲母另構一室以奉晨昏揭曼碩題曰柏堂吳草廬爲之記

鄧氏名如玉周九成妻至正壬辰寇作成挈家徙郡城踰年鄂寇陷城夫妻子母俱竄伏學宮後草澤中被執初欲殺成鄧曰寧殺我賊見鄧美縱夫去復欲殺子鄧仍抱救得釋尋逼鄧使從以厲聲大罵因遇害氣尙未絕

撫州府志

卷之二十九

列女

三六

後成及子復至又指示所藏金帛之處始死

楊氏國子祭酒楊文仲女爲虞汲妻通語孟春秋左傳歐蘇文子集甫三歲卽口授之聞草廬先生學行數贊于汲遣二子從吳游故集與槃之學皆成于母 袁氏邵菴公長孫世雄妻聞兵至預投河死朱復心哀以詩有萬折滌迴千頃浪至今嗚咽有哀音之句

明

呂氏程彥忠妻生子尚政呂年二十四彥忠卒守節撫孤尙政娶劉氏生子墳尚政三十亦卒姑婦相倚守志邑

人江漢題其門曰雙節

傅氏鄧邦憲妻夫死傅年二十六紡績爲業終養舅姑脩嘗辛苦邑令段友德嘉其節孝洪武甲子事聞旌表

陳氏孫大伯妻伯早卒撫遺腹子徵元末陳攜孤徙居再四脩歷險阻明定鼎始復業享年八十二以節壽旌

吳氏名淑正王紹妻洪武中紹由國子生官行人尋謫廣西鐵坑司巡檢紹將行囑吳善養其親及紹卒謫所吳奉舅姑存歿盡禮教子成立永樂二年旌表

黃氏饒仲高妻仲高以戶役死于郡黃年二十四父母欲

撫州府志

卷之二十九

列女

三七

嫁之黃曰烈女不事二夫况吾舅姑無恙忍令獨受饑寒耶屢欲自經文知不可奪乃止正統二年旌表

黃氏吳克寬妻年二十二夫死母以無子諷使他適遂自經母覺救之誓死守志鞠姪爲嗣年九十五卒成化初旌表

萬氏羅元方妻歸逾年元方卒遺腹生子鑑萬絕膏沐節操凜然 曾氏元洪綱妻年二十七夫亾長子朝奉甫二歲次朝陽尙未產曾守節終身

郭氏李賢妻賢病足伏牀三年郭侍疾彌謹賢卒棺殯既

畢乃大慟曰夫亾無子妾將焉托再醮固不敢脫有脇迫何由自免遂自縊于後園之木下鄉人驚悼醵金市棺葬之

黃氏黃德和女德和無嗣贅劉元亨爲壻生子濬黃年二十七亨死周旋兩族無失禮志節卓然後濬登進士官吏部 饒氏臨川名家女歸吳文正曾孫彥純生子二燿三歲燿甫八月彥純卒饒年二十四日以先世勉勵其子後燿舉明經燿舉茂才大學士楊士奇有慈節贊龔氏菊正邑庠歐陽齊妻齊性躁稍不如意輒加怒罵一

撫州府志

卷之二十九

列女

三八

日厨饌欠飭遽逐還母家逾年齊更娶父母諷女改適堅不可及齊官粵西歸過龔門與遇欣然迎揖龔荅拜卽入不接一語齊大悔遣人迎歸龔不納或問之曰見而不與絕者以嘗成夫婦之禮卻而不返者以旣出義無再合煢然獨守終無怨言卒年八十二

李氏李時中女許字謝萸九後萸九商楚更娶家人未知李長以貧故歸謝空守踰數年書至諭令家人嫁之李誓無他家人知不可強乃遣歸寧後時中私以許鄭女遂自縊

李氏羅沐八妻生一子沐八外商覆舟死訃至日夕悲泣
撫其子至三歲曰可託矣以付舅姑乃櫛沐更衣纏束
上下投井而死 周氏羅夢先妻歸二載夢先痼疾久
侍忘疲夢先慰之泣曰分也萬一不測當與俱尋卒棺
殮畢遂闔戶自經死

許氏陳淑昇妻歸二年昇卒孤玉晟半歲守志不渝吳康
齋題其堂曰永正 蔣氏戴子鼎妻鼎卒子僅五歲矢
志靡他後子婦孫婦皆以節終號一門三節康齋表其
墓 黎氏吳彥升妻年二十一昇卒子通甫四歲守志

撫州府志

卷之二十九

列女

三九

鞠孤康齋爲作傳 周氏吳子堅妻年二十生子昂而
堅歿周矢節壽至九十康齋以節壽顏其堂

鄧氏名翠秀陳天賦妻賦愚稚夫兄天球故謗鄧使逐之
鄧念夫不實其父母恚恨逼使改嫁翠秀卽自縊既救
免引刀割指以示不二後天賦察其寃方欲返之而翠
秀憤鬱死矣同知林垠白之大吏表其墓

孫氏楊叔彝妻夫早卒孫年二十三撫子季昌守志孝妻
舅姑年八十有四 徐氏陳憲夫妻歸陳生男珏甫五
歲夫卒徐年二十六撫孤守節事舅姑惟謹教子成立

劉氏阮愈賢妻年十九夫卒遺腹生子大剛劉屏紛華慎動履敬奉舅姑子大剛長克彰母節 吳氏王一敏妻年二十三而寡撫遺腹子與姑戴氏同守孀居孝養純至壽至八十餘俱嘉靖間李巡按旌之

陳氏徐廣妻年二十四廣卒無子陳哀毀欲絕撫一女以終志女復殤乃圖自經姑委曲止之孀居二十餘年羅氏陳朝拱妻年廿六夫歿遺孤亦亾家貧誓死守節年六十七終 饒氏楊熙正妻歸楊五載熙正卒無子饒撫姪爲嗣矢志不二人咸以女士稱之年八十有三

撫州府志

卷之二十九

列女

四十

嘉靖間御史李循義俱表其門 戴氏程友節妻生子廷選幼友節卒戴年少誓無他志脩歷艱苦撫遺孤成立徐中作慈節堂記 歐陽氏名改秀歸吳天佐歲餘佐卒撫遺腹子璫事姑極孝終始一節人無間言

謝氏吳光蘊妻生子日堂蘊卒時謝年二十八未幾堂亦卒謝孤苦寡居年至七十 呂氏熊希環妻生子二希環卒呂年二十七撫孤守節嘉靖中通判林垠俱旌之鄧氏名瑩秀鄧邦憲女適同邑陳大倫生子顯甫八歲大倫卒鄧年二十四矢志堅守兄弟欲奪其志誓不從事

姑以孝稱年九十六卒陳正壽贊以詩 鄧氏雅秀黃
舜球妻夫早卒鄧哀毀骨立永不施膏沐奉姑訓子壽
至七十六有司爲表其廬

楊氏王壽爵妻生子甫三月壽爵卒楊年二十八哀痛欲
自盡舅姑勸之而止逾載葬壽爵于公隴族有豪橫謀
阻楊哭聲徹日夜衆始感動獲葬孀居歷五十年

楊氏劉岳一妻歸劉三載生二子岳一部解軍人卒于途
計至楊慟哭閉戶自縊死時年二十九

陳氏名妹秀陳叔利幼女嘉靖辛酉流寇破邑妹秀被執

撫州府志

卷之二十九

列女

四十一

投陂中死時年十八同時劉胄監侍婢陳氏女名雪梅
亦爲寇執投水死 楊氏吳子材妻羅氏黃文仁妻樂
氏黎惟光妻俱嘉靖間死難節婦

曾氏熊紹明妻洪氏李燦南妻夫卒事姑撫子嘉靖間巡
按李伸並旌其門

鄧氏鄧用奇女年十八歸黃玉沆期年玉沆歿鄧慟哭屢
絕時孤汝南甫三月姑勸之乃強食饘粥未幾舅姑繼
亾鄧傾奩殮葬躬親紡績守節歷四十餘年

黃氏陳南燦妻年二十四夫亾撫子忠義比長娶袁氏生

子希賢甫五歲忠義亦卒姑婦相倚以終厥志里人以雙節名其堂元章爲之記

陳氏吳子暘妻年二十一生子煥甫週子暘客死程矢志守節年六十五卒無以爲殮邑人士憐之李登紀其事羅氏羅文玉女適李時傑甫二載而寡無子立姪詔爲後以守節終嘉靖間旌表

周氏方誠妻誠早卒無子周年二十四孀居煢然惟一女贅文溪吳洙爲壻甫二年洙亦卒遺腹子一母女同居守節林野橋以雙正表其閭

撫州府志

卷之二十九 列女

四十二

邱氏黎人瑞妻瑞父舜卿由蜀之任永州至江險處舟壞人瑞自別舟浮水救之力乏亦沉江邱氏見夫歿遂投水死邑人楊俊悼以詩

鄧氏名青娥黃克孝妻年二十五克孝卒止遺二女人以無嗣諷鄧拒之矢志守節年至七十而終

許氏吳時順妻生子半歲順卒許年十八哀痛毀容願以身殉姑勸之強食父母欲奪其志許誓死不二歷五十餘載萬曆間邑令沈表之 陳氏戴皎妻鄧氏周方誠妻俱早寡守節以壽終

方氏劉放生妻生子六歲欲死方年二十八屢欲求白盡
父母力止之撫孤植節孝養舅姑子復卒方泣曰向爲
藐孤計忍而未死今願從夫于地下不踰月遂卒

方氏名廷秀劉作妻年十九夫卒矢節姑患瘋疾方購藥
餌躬扶持鄉里以孝稱之萬曆間巡按張銓表其事

吳氏季在常妻生三子俱析爨在常復納妾生子勝宗方
四歲在常病亟囑吳氏善撫之既卒吳奉命惟謹及長
分以厚產三子欲爭之吳叱曰汝父命也背之何以見
汝父于地下子乃止年八十四終 羅氏王用衡妻衡

撫州府志

卷之二十九

列女

四三

前妻生子謐甫半歲羅善撫之每病百計求愈視若己
生壽至七十後謐每對人泣道聞者歎息

陳氏楊中正妻歸數載無子陳勸夫置二妾數年俱無出
後盡解釵環子之中正復娶踰年生子奎撫之如己出
教奎成立鄉里稱爲賢母

國朝

黃氏名賢吳珍妻中書吳立祖母也年二十二從夫徙居
萬年縣亾何珍歸崇仁約踰月返去五月不至黃怪之
賣簪珥買舟攜其子抵崇仁覓夫比至夫已死時三子

俱幼一切器用悉棄萬年田廬歸於他氏黃依廊廡破屋半間席草土坐卧緝麻泉易食以瓦缶炊崇正初土寇竊發隨家人避居深山歲屢饑躬採蕨爲食次子禹甫七歲從叔居市爲之守舍叔日給米半升禹食其半私其半以食母人稱節義之報康熙四十年建坊旌表雍正五年祀節婦祠

孫氏周立隆妻年二十四夫死家貧誓無他志事繼姑養葬如禮撫子成人長曰士瑜次曰士瑋後二子相繼卒士瑜妻徐氏年二十三一子方乳士瑋妻陳氏年十七

撫州府志

卷之二十九

列女

四十四

子僅半週皆教承姑志以清白終雍正五年建坊旌表士瑋孫名書領辛卯鄉薦人以爲節孝之報云

李氏陳嘉詔妻二十而寡事姑課子具以賢聞年五十七卒雍正五年建坊旌表又節婦章氏孫文朗妻黃氏孫文耀妻游氏陳元良妻鄒氏陳萬脩妻俱建坊旌表

胡氏名一青艾正清妻年二十子方乳夫疾卒囑以善事舅姑胡清操自矢家極貧乏又歷離亂日以精食奉舅姑自茹糠粃苦菜不令舅姑知并不令人知子兆謨有孝行孫芳成進士皆氏苦節所致云

王氏劉璉祖妻事孀姑呂氏最孝年二十一夫死悲痛之餘常抱子戲姑膝前子長苦志課督後年老子卒叔繼祖養於家時遣兒侍之王曰我孤苦命也汝曹須努力慰地下孀姑望聞者難共節尤難其孝云

劉氏南昌生員思敬女歸周廷桂桂死劉年二十六哀痛慘裂絕水漿者數日復念廷桂素以善行著應昌厥後自是習勞弗輟撫孤婚教雖脩極困鬱卒不令廢讀後子學頤領己卯鄉薦劉顧謂曰吾可以慰汝父子地下矣年七十五卒學頤後授平魯令

撫州府志

卷之二十九

列女

四五

侯氏劉秋潭妻年二十六而寡子幼不爲長者所憐侯自審孤危含淚隱忍後子長孫蕃亦絕口不齒前事惟戒後人自力以壽終

烈婦周氏黃崇二妻康熙乙卯避居三十九都五保橋莊忽寧都山寇廖汝端統衆刦掠氏聞之攜一子出走賊追獲欲繫之徃氏不從砍其子逼之仍不從遂亂刀殺之時周氏年二十八全日又有周進二妻黃氏年三十被執氏卧路求死賊繫至分水嶺將踰社嶺復攀木求死賊剝去衣裳殺之又周化二妻陳氏年二十遇賊擒

出門首卽跳入塘中賊給至岸過港側復攀柳欲墜港賊覺之斷其喉按其首入泥中生員侯銘時亦被執知三婦死狀最悉每道其事輒淚下

游氏陳映圻妻年二十五夫死陳矢志不二教育孤子敏達讀書成人尋敏達復卒妻黃氏年二十三仍撫三歲子瑚同姑以清節終

吳氏陳一妻節婦黃氏女讀書曉文義於古事多所記憶詢之輒能對年二十二夫死守節壽百有一歲 陳氏楊郡六妻年二十夫亾守節二十七年

撫州府志

卷之二十九

列女

四六

黃氏名鳳秀邑增生楊兆美妻年二十八兆美死黃痛哭求殉或勸以遺孤無託乃忍死守節延師課子歷五十二卒子育麟育龍俱庠生

梁氏庠生陳子羽妻東鄉孝廉梁侃女忠臣陳其赤之長孫媳也年二十二夫死無子誓不再適終身不爲容不色服就養諸姪家人無敢失敬者姪固仁孝梁亦甚嚴毅云

歐陽氏陳愷妻生天啟乙丑卒雍正戊申壽一百有四歲精明康健飲食步履皆若壯年真人瑞也

宜黃縣列女

宋

陳氏臨川女適宜黃涂端友紹興乙巳賊發陳被執驅入
黃山寺罵曰我良家子義不受辱乃幽之複壁居數日
族黨賚金帛贖還賊縱陳使去陳曰吾聞正女不出閨
闕今何面目登涂氏堂死之

明

許氏臨川進士同書女幼讀列女傳諸書卽曰爲女子固
當如是長歸宜黃李時傑許年十九傑死子大章方晬

撫州府志

卷之二十九

列女

四七

矢志不他天順六年旌表

李氏廖文鑑妻年二十七而寡鞠二孤業緝澣以須其
長嘉靖甲午李年滿百邑令黃淖題其堂曰百歲正婦
逾二年姑卒 章氏劉金轍妻年二十轍亾矢志不二
知縣余珂聞於巡按表其門

符氏羅魁八妻夫早卒有諷其他適者嚙指立誓事姑以
終志卒年六十七 余氏鄧舜旺妻年二十夫死矢志
養姑誓與姑終年七十五卒嘉靖間巡按謝九儀俱旌
之 符氏名鳳姑許配羅某夫死守節終身不字

李氏吳盖七妻年二十二嘉靖卒酉夫死于寇李氏被擄以行罵不絕口嚙指噴血寇面賊裂其屍後題請旌表鄉人建祠祀之

張氏張伴讀女適鄒世奉世奉歿張年十九父欲改適之張哭且誓家貧織紵以奉姑年八十餘卒

劉氏涂廷輔妻年十九而寡時有豪家謀娶之厲節愈堅有司屢請旌表劉曰吾無愧此生足矣而求名耶卒拒之年八十二終

涂氏鄒朝簪妻夫卒涂年二十四撫孤廷明娶媳歐陽氏

撫州府志

卷之二十九

列女

四八

生孫啓光甫半歲廷明亦早世歐年二十三姑媳形影相吊矢志不二人稱雙節

胡氏黃士璋妻年十七璋卒無嗣黃立繼守節歷久益堅御史弼旌其門曰正節

袁氏李發二妻壬申寇發袁被執逼之罵不絕口賊怒剖其腹聞者莫不嘆息中丞解公學龍作文祭之

許氏鄒金璧妻年十七而寡矢志守節壽至八十終 廖氏吳化妻年二十夫歿撫子養姑俱建坊旌表

叅氏邑庠應重妻年十七而寡重病革囑以無子當再適

黎泣曰烈女不事二夫脫有不幸寧守死弗二尋卒黎
哀毀踰禮歷節數十年

余氏邑庠應揚妻早寡無子與伯姒黎氏同居守節敬事
姑嫜人以二難稱之年六十餘卒

國朝

黃氏庠生許濤妻乙酉兵入縣濤奉九十三歲祖母先置
他所弟汀十歲男位二歲同黃氏在城兵驟至奔竄不
及行抵邑西胥氏祠前被執黃視路傍有深池取所攜
金擲地曰以贖叔與子命自投池中死學使樊旌之

撫州府志

卷之二十九

列女

四九

譚氏大司馬襄敏公曾孫女適章潤三家貧能詩雖饑餓
吟咏不輟庚寅閩贛寇發譚與兩女俱被執行及東陂
石壁巉峻先摔兩女墜下已遂躍入罵曰我家子女
豈受賊辱賊恨以長鎗刺之母女皆斃

徐氏別駕一麟女庠生吳越妻壬辰閩贛山寇曾九龍蹂
躪至縣越舉家受繫徐矢死不從嚙指爲誓賊謀伺夜
強污乃故寬之徐卽竊刀自刎賊感動寘婢青蓮守護
其屍越數日不毀邑令王世噩以聞司理李公煥題請
旌表

楊氏名梅姑楊德尙女許配同里符德彰未歸德彰卒梅姑聞訃卽自縊以殉楊氏以其棺歸符合葬事聞旌表建坊月池傍

黃氏鄒文茂妻年二十夫死冰操自勵教子明倫爲諸生有才名建坊旌表

歐陽氏鄒文蔚妻年十九夫卒無嗣撫姪明最爲子甘苦守節事聞建坊旌表子卒媳黃氏亦以守節終

鄧氏張 妻年二十四夫卒矢志堅守以節終建坊旌表唐氏南豐女適宜黃曾維弼年十九夫死子翼文甫週唐

撫州府志

卷之二十九

列女

五十

剪髮自誓撫孤守志孝事翁姑織紝以資養艱苦脩歷有司屢旌其門

鄒氏嗣嶽女黃濤妻年二十五夫卒子極甫七歲家貧紡辟供食居喪哀泣盡禮日夜課子若孫讀書子極餼於庠孫火繡補弟子員督學沈公顏其堂曰荻茂丸香年七十七卒

洪氏吳從先妻年二十夫卒守節孝事翁姑躬勤紡績撫孤成立年八十卒巡撫旌其門

羅氏曹士愷妻年二十四夫亾守節八十五卒

曾氏樂安人年十七適宜黃甯啟昌昌疾篤曾侍疾八載及卒四子俱幼時當閩變曾爲舅姑及其夫營葬皆如禮寇平葺茅屋數椽以居日夜紡績撫孤成立年八十卒三子文鎮妻李氏事姑以孝聞姑亾哀毀骨立踰年疾卒

管氏寧都管茂勲女適邑監生黃天祺年二十四天祺卒長子鵬翰年四歲次子之屏生纔六月誓志苦守撫兩子成立年五十一卒

盧氏學二女年十六未嫁壬辰聞寇掠縣女被執不從支撫州府志
卷之二十九 列女 五十一
解以死

鄒氏張文臻妻年二十二夫亡一子復歿鄒誓不改節盡撥食田以供翁祭依女紡績自養歷五十餘載年八十終

張氏黃國達妻年二十一夫死誓不再醮撫孤成立終養舅姑歷四十餘年終

陳氏鄧汝平妻平早卒陳年二十一忍苦守節年至五十六卒

鄒氏歐陽起珊妻萬氏黃中倫妻俱早寡守節卒

鄒氏洪君求妻年二十夫亾孝事弟姑撫孤守節以壽終
吳氏熊表霽妻逸士岐梧生員汝梅母值寇發吳避居崇
五都丙辰臘月寇掠其地被執逼之使行吳堅志不屈
罵賊被害

黃氏邱振綬妻年二十五夫卒子文鳳五歲甘貧撫孤年
八十一卒 歐陽氏劉廷傑妻年二十夫死無子守節
八十四卒

李氏歐陽起佐妻年二十八喪夫守節四十八年卒媳王
氏年二十五夫亾守節三十七年卒

撫州府志

卷之二十九

列女

五二

鄒氏歐陽麒生妻年三十夫卒苦守卒年八十三媳羅氏
亦撫孤守節終

劉氏羅星聚妻年二十夫亾當欲身殉以懷孕忍死後胎
墮白縊

李氏生員邱斌妻年二十六孀居苦守至六十七卒

涂氏邱小琦妻年二十八夫死奉姑課子卒年八十五

李氏生員黃維麟妻年二十一夫死甘貧守節八十一終

符氏汪應亨妻年二十三而寡孝事翁姑課督孤子年七

十六卒

樂安縣列女

宋

李氏楊四郎妻德祐丙子元兵至李避於郊爲兵所執逼之且懼以死李抗罵曰吾寧死不受辱遂遇害

黃氏名四娘早寡甘貧守節姑病刲股救之有強之再醮者自縊而死

元

萬氏曾希仁妻生三女長尙未嫁次與幼將及笄至正壬辰間寇至三女同請于母曰事至此度不可免苟或失

撫州府志

卷之二十九

列女

五十三

身將上負母教何以爲人願自裁母曰能如是乎吾志也具酒饌飲食畢結束衣履同縊于屋後松間

黃氏張孟敬妻孟敬統兵勦寇屢敗欲自裁黃曰君義不受辱我豈忍受污以辱父母及君耶請先殺孟敬授之
亦遂自刎

吳氏王心德妻崇仁廉訪使吳當女心德爲亂兵所殺吳年二十一恪守閨訓父當遺以書曰汝姑年老可時時省問雖世亂家貧必委曲得姑懽心爲是吾家世遵禮法無令人議汝父不能訓誨吳奉書感泣事姑益謹以

節終

詹氏名瑞正年十五許聘陳回明年回死詹截髮垢而誓不他適後父母將改聘遂自縊死

明

元氏胡敏道妻年二十二夫卒守節撫姪九震爲後孝養舅姑張純爲之記

張氏譚洪季妻年二十六夫亾無子自縊而死

何氏王盛南妻年二十一夫卒舅姑欲使嫁何誓死不從撫孤成立以壽終楊貢爲之傳

撫州府志

卷之二十九

列女

五十四

李氏曾延伯妻夫死守節撫孤父母欲奪其志弗從六月六日折杏枝插堦下誓曰婦節與杏爲榮枯越歲杏活且益華茂李秉節愈嚴子鑑登雋年及百齡請建坊旌表及後樹猶茂衆稱爲靈杏云

張氏蕭體仁妻元末爲賊所擄不屈賊以刀砍之仆積屍中賊退復甦後體仁卒張年二十六子岩甫四月張苦志撫之岩年十九戍遼東凡二十七年乃歸母年八十猶康強無恙人以爲節孝所感

宋氏黃仲逸妻紅巾賊起逸舉義戰死宋年二十四遺腹

七月生子守節撫之又黃氏吳厚德妻歷節四十餘年俱永樂間旌表 鄧氏陳伯榮妻年十五歸陳未幾而孀鄧矢死靡他事聞旌表 熊氏邱咨疇妻年二十無子舅姑與夫俱歿熊曰不幸至此何用生爲遂自縊死 正統二年旌表

董氏王泰昌妻爲處子時見隣婦再醮者輒訕罵之及歸泰昌昌早卒董年二十三取衣殮訖自縊以殉楊雪艇有傳 同族元氏王德修妻早寡遺腹三月生子家貧紡績以事舅怙姑尤難事元亦得其懽心邑令陳世良

撫州府志

卷之二十九

列女

五五

爲之傳 聶氏名妙正納同邑丁頃聘未嫁丁亾聶泣欲往吊父不可女曰兒雖未入丁門旣以身許何可獨生遂閉戶自縊父哀之以喪歸丁氏合葬羅一峯傳其事俱弘治元年旌表

畢氏陳文煜妻年二十一夫亾撫孤守節以壽終邑令王貫以其事聞爲立節壽坊

袁氏鄧益輅妻年十九夫歿子尙儉三歲及長以從女姪菊娘爲婦未幾尙儉卒婦姑相倚守志俱以壽終謝綬爲之傳

于氏楊州人爲謝輔繼妻輔卒于年少守節歷四十餘年
劉大夏旌之

詹氏李賴一妻弘治間賊劫其家詹出奔賊悅其姿色追
之詹投於里之伏塘時水淺賊惜其死援之以挺詹懼
污遂僵於水中而死

邱氏王叙訓妻年廿二夫死遺腹數月子始生教之成立
董氏陳弘璧妻夫亾撫二孤甘苦守志年八十終

胡氏詹守方妻年廿六夫喪撫孤守志其姑武氏年二十
七孀居姑婦同節俱弘治初旌表

撫州府志

卷之二十九

列女

五六

王氏董伏隆妻夫亾子時望生甫九月王養姑極孝勤紡
績延師課子後望成進士官御史 又洪氏鄒則常妻
年十六守節俱弘治間旌表 郭氏曾啟昭妻年二十
夫死撫孤守志年七十卒都憲林俊旌之

王氏曾顯榮妻年二十三顯榮督賦歿于京父母欲改適
之王誓死不從年七十五臨卒曰吾今乃可見吾夫于
地下矣

尹氏傅良玉妻年二十七而寡姑與祖姑皆就衰兒年尙
幼尹養老鞠少勤苦持家以壽卒有司旌其門

聶氏陳茂熾妻年二十夫歿無子父母令再嫁聶截髮指天誓死守節復強之乃自縊以救甦母卒從其志奉舅姑極孝甘貧忍苦立終子爲後

胡氏王文燦妻邱氏子肇興妻胡氏孫巨伯妻三世守節人無間言

潘氏太僕寺丞詹崇妻正德辛未爲賊所掠罵賊不屈與子迪俱被害詔旌其門曰烈孝

易氏傳愈銘妻賊執赴縣戒石亭欲污之不從見殺血染石上宛若人形經久不滅

撫州府志

卷之二十九

列女

五七

曾氏吳欽賢妻夫婦被執賊殺欽賢曾唾罵并殺

詹氏黃立夫妻賊執詹與男俱去行至杏村井給賊求水密語男日記母在此井遂投之時盛夏越數日收屍其面如生

曾氏毛大節妻李氏樂曰瓊妻二氏被賊執抗不受辱俱遇害

徐氏樂華仁妻苦節不二長子師韶正德辛未死于寇婦詹氏生子士鸞時僅數歲詹復砥志撫之鸞長娶游氏未幾鸞天游年二十誓不再嫁三世連孀羅明德贈有

三正堂詩

李氏鄒氏俱潘南琮妻琮卒時鄒方孕遺孤岳峻李同心
鞠之家難百生雙節特立俱以壽終元孫兆魁順治辛
卯舉人

曾氏庠生唐重儒妻年二十六夫亾長子國岐娶陳氏年
二十夫亾幼孤國宣娶曾氏年十八夫亾一姑二媳誓
與同守事聞旌表曰三節齊芳 又陳氏曾世俊妻守
節俱奉旌表

劉氏錦娘納陳澗聘年十八澗夭劉請往弔父母不可遂

撫州府志

卷之二十九 列女

五八

服毒死遺言于嫂乞以屍歸陳氏

曾氏婁英許字張弘鐸聞姑與夫皆病篤遂乞歸侍姑姑
卒夫繼之父母勸令他適自縊死

戴氏新喜許配曾氏子未歸夫死女易服往弔隨自縊以
殉父母救甦護歸矢不他適三年服畢父密與媒妁通
女知踴躅仆地比往視則氣絕矣

王氏邱景仁妻王父與景父交善當子女初生時訂姻後
景仁病廢長僅二尺足不能行二姓遂議罷婚王父將
更聘貴室氏挾匕首示母得止及歸景仁懽然相得然

景雖廢善怒氏安受之後生四子羅近溪題曰節順殊常

曾氏朱思忠妻年二十一而寡撫孤砥節壽八十屢受旌
獎子宗周宗孔皆諸生孫家孕歲貢 龔氏許配忠姪
宗隆未嫁會隆病篤龔力請於父母願得一晤越數日
隆死誓相從地下姑含淚解之父母遣人迎歸不許旋
白於朱族立姪名標爲嗣與孀姑共守嘗裂一鏡自佩
有諷之易節者卽舉示曰若能爲我復完則可卒以全
節終

撫州府志

卷之二十九

列女

五九

武氏詹景昌妻胡氏昌子守方妻龔氏陳廣基妻胡氏廣
子升輔妻洪氏升輔子心明妻皆姑婦奇節俱題旌
詹氏陳本倪妻年二十三夫亾與媳畢氏同守節詹年八
十九而終建坊旌表羅明德爲之傳

詹氏郭呈理妻年十九夫卒抱伯子紹儀字之紹儀業舉
子屢占博士高等詹使從羅近溪遊請事徃命之學詹
卒年六十二有司旌之董裕作節孝傳

李氏丁文諒妻年十九而寡無子守志不嫁拓克夫業晚
年盡以產業付夫族爲夫婦營祭獲壽終

何氏詹嘉雨妻年二十八守節撫孤壽終以孫爾達貴贈夫人 黃氏樂師顏妻年二十七守志不嫁壽至七十 一董蓉山爲之傳

狄氏北京名家女爲詹侍講副室年二十一夫卒守志撫孤嘗以陰隲訓子子德政能遵母教樂善好施狄壽八十有六卒

董氏謝宗美妻夫早逝撫前妻子三歲勤績課讀享年八十卒陳世祥作詩美之 康氏陳心正妻年二十八夫死守志課成諸孤年七十有三陳軒贈以詩

撫州府志

卷之二十九

列女

六十

黃氏陳伯芳妻年二十二而寡撫子育瑞守節歷四十餘年終葉逢春旌之 董氏曾天祥妻年十九夫卒姑衰老紉麻贍養侍疾輒廢寢食課子廷輔成立年六十餘卒 陳氏周氏俱何儕亮妻夫亾皆年少同心誓守訓子克繼父志樂文鸞悼以詩

詹氏陳時丈妻年二十夫亾止遺一女堅守不二厚產悉與夫昆弟斂跡不出戶庭六十五歲而終

李氏原必和妻年十八夫死無子家貧甚姑老且疾李竭力紡績養葬盡禮聞婦改適者輒憤詈之母遣人微諷

李怒不復歸寧歷節六十年 游氏李廷顯妻年二十
五夫歿遺孤亦天游獨守苦節至四十餘年邑令旌之
董氏曾應心妻年二十而寡家貧歲饑或勸其易志董怒
斥之年七十終 陳氏黃啟洪妻年二十四夫卒守節
養姑壽至八十五

鄒氏曾希尹妻甫歸夫病侍疾四年弗怠夫卒矢志堅守
事翁姑竭力敬養立猶子爲後以壽卒 黃氏陳宗周
妻年二十夫亾撫姪爲子奉姑盡禮卒年七十又蕭氏
游惟聖妻邱氏詹孟智妻俱早寡立繼守節以壽終

撫州府志

卷之二十九

列女

六一

董氏張祥妻年二十一夫亾家貧翁按之嫁董引刀截髮
乃止歷節五十餘年 陳氏丁一權妻年二十七而寡
無子母勸其改適陳以死相拒守節三十餘年乃卒
元氏曾一素妻年二十夫卒家貧無子守志游權家釁居
徙靡寧元紡績爲生甘耐荼苦以壽終
潘氏庠生樂聲溢妻夫鄉試卒于省潘年二十五遺孤二
歲守節終身 龔氏何英元妻二十八夫歿龔撫孤守
志越五十餘年卒

原氏何昌期妻年二十二夫卒誓不虧節或以無子諷原

曰吾知爲夫守耳踰年叔生翁又死姑婦孀居原極力支持外侮俱息事姑孝延師課叔成名年八十卒

王氏闕爾廉妻年十九夫卒守節撫孤以壽終張令崇烈旌之

李氏黃時通妻年十九夫卒偕叔時陽妻楊氏守節各歷四十餘年邑令俱旌之 王氏羅良傑妻年十九夫亾越五年叔良忠亦卒偕其妻曾氏守節羅近溪董擴菴俱美以詩

鄧氏王維賢妻年二十二夫亾生子數月而瞽撫之守節

撫州府志

卷之二十九

列女

六二

後訓諸孫卒年八十羅念菴銘其墓

曾氏楊光斗妻年二十七夫病革先自縊死又李氏張洪振妻歸兩月夫卒自縊死

王氏詹隆質妻年十七歸詹未幾夫亾撫遺腹子琛守節年八十九終旌表又畢氏邱子讓妻董氏袁積勳妻陳氏詹立本妻夫亾子幼俱以節終

黃氏謝宗濂妻年二十三夫亾養姑撫子歷四十餘年雷古和有記

游氏晏弘範妻夫亾無子守節年七十餘卒黃琮紀其事

陳氏黃廣用妻年十八夫亾家貧守志孝養姑嫜年六十餘巡按朱鴻謨旌之

黃氏鄒人鶚妻年二十五夫亾守節撫孤鄒文莊爲作節孝記 游氏樂以仁妻年二十三而寡撫妾所生子不啻己出延師督課子先鳴出仕有聲歷五十年尙書董裕記其慈節又李氏游惟智妻撫孤守志裕亦爲之傳黃氏董一信妻年二十五而寡誓死守節奉兩繼姑無失禮年八十終 陳氏黃仕承妻年二十二夫亾守志壽七十八而終又黃氏原應德妻年十九守節卒年七十

撫州府志

卷之二十九 列女

六三

邑令俱旌之

徐氏董用貫妻年二十四子生七月夫死矢不改節姑患瘋疾徐侍奉不怠八十一終臨川傅朝佑有贊

曾氏庠生董佳聽妻聽傳學善文事親孝早卒曾年二十六守志不嫁恭順以事舅姑嚴課二子年七十二終郡丞尤旌之 鄒氏黃瑞龍妻年二十一夫歿數月孤生鄒苦志撫之年至七十六又黃氏詹資美妻年十九喪夫遺孤三月黃矢志守節邑令俱旌其門

丁氏曾殷成妻年二十一無子夫疾弗起以代養囑丁丁

泣曰婦於曾郎死于曾妾寧敢異志夫歿卒無食言
黃氏謝振玉妻歸二載生子世祿三年夫死力事翁姑教
子成立俱以壽終

余氏董如京妻年二十一守節壽終七十五又曾氏黃孟
盛妻年二十夫亾守節邑令俱旌之

董氏庠生黃越舉妻年二十三夫亾孤方三歲董苦志撫
之子又歿撫孫以終志年七十八卒邑令旌之

郭氏游立鰲妻年二十夫卒撫孤守志奉舅姑極孝卒年
七十二

撫州府志

卷之二十九 列女

六四

詹氏曾章來妻年十九而寡家貧翁姑奄歿僅存祖姑詹
紡織資養艱苦不渝年七十餘終 陳氏董孕高妻夫

歿陳氏年二十無子守節越三年姑始生叔姑隨亾陳
氏爲育婚且教之宗祀不絕年九十卒董蓉山有詩

樂氏曾希嵩妻嵩母及祖母皆早寡樂年二十嵩又天三
世並孀居各以壽終曾瑞來贈以詩

龔氏許配朱忠龍未歸夫疾篤再四請徃夫隨亾龔誓死
不復返乃同寡姑堅守立姪名標爲後年七十餘終

陳氏董舉方妻年二十三而寡艱苦砥節撫姪汝盛爲子

年八十一卒

曾氏名珊珠殷瑞才妻適殷三年無嗣諷夫再娶夫不許
乃假省親至母家出奩資娶妾以歸生二子年二十五
夫卒妾亦繼歿曾撫庶子如己出年九十有二邑令楊
之琳旌之

董氏陳大節妻年廿一夫卒守節養姑姑病卧忽被火災
董奮身抱姑出冒火幾斃年八十而終邑令胡旌其門
黃氏陳子晉妻翁溺死江南夫往殉父遺子旭昇黃誓志
堅守年七十一卒又武氏鄒亦鑑妻年二十七夫歿撫

撫州府志

卷之二十九

列女

六五

孤守節以壽終 原氏宋氏俱陳德明妻夫亾原年二
十四宋年二十二同心守節壽終邑令□旌之又何氏
曾伯燦妻蔡氏曾啓正妻何年二十二蔡年二十一俱
撫孤守節歷五十餘年

詹氏王秉德妻年十八夫亾子二歲亦天家貧守志立繼
承祀壽六十一卒又黃氏原思齊妻善事舅姑年二十
夫亾無子守節以壽終

鄧氏庠生董天康妻胡氏丁福宸妻俱年二十夫歿撫孤
茹苦以終

鄧氏董天松妻年二十五夫客歿漢陽遺孤六歲鄧痛夫骸暴異鄉苦絰積貲及子世纓長令往扶櫬鄧後憂鬱成病泣諭子曰而父骸歸未亾人願畢矣言訖遂終黃氏董忠植妻夫被賊害黃年十九屢縊求殉姑百計止之撫遺腹子甘苦守節歷四十一年終曾氏董齊昭妻年二十六夫卒又曾氏陳愈欣妻年十九而寡各歷節四十餘年原氏董德周妻曾氏黃夢鸞妻詹氏陳時高妻俱夫亾守節以壽終

鄒氏廖士譽妻年二十二夫死子淑生甫五月家貧父母撫州府志
卷之二十九
列女
六六
諷之他適鄒誓死不二勤紡績以事舅姑撫孤有成卒年七十六又游氏董崇庠妻年二十二夫卒撫一男二女守節壽至六十八邑令俱旌之

鄒氏胡明亮妻年二十五夫亾撫子仲達娶婦彭氏達又卒彭年二十四守志奉姑俱高年乃卒董氏張逢舜妻年十八夫卒家貧守志勤紡績以贍養姑年七十二終又曾氏何呈瑞妻年二十六而寡奉舅姑以終志卒年七十三

詹氏何育九妻年十九夫卒或以年少諷詹叱之事姑育

子年七十五終又詹氏陳先祐妻李氏詹天甫妻詹年十九李年二十四夫卒俱撫子守節壽終

游氏曾應文妻夫卒游年二十三堅守苦節常以繼志述事勉其子年七十三又詹氏庠生黃而泰妻二十四夫卒撫孤守志年八十有一

謝氏贈刑部侍郎董禹方妻既聘會兩姓訟興禁通婚謝族請休女憤泣不食者六日引刀欲自刎衆覺救之後訟稍解歸董族少年謀截中途女匿帛於身囑母曰脫有變其窆我於梅林謀乃止歸之次日取帛授夫曰此

撫州府志

卷之三十九

列女

六七

妾所欲爲君死者賴天幸免因勵夫力學爲宿儒子三次裕歷官至大司寇旌表

聶氏曾章訓妻年二十夫亾守節八十三而終御史張簡具題旌表 游氏曾章志妻年二十夫亾守節壽至八十孫師世舉人元孫瑞來成進士大學士吳道南作傳修撰劉理順誌其墓

詹氏曾達卿妻夫病篤呼詹以手指翁姑者再及逝詹泣曰夫以两大人囑妾者知妾無二心也竭孝全節七十二而卒鄒元標爲之銘 黃氏何守禮妻未嫁時喜讀

列女傳歸何未久夫死守志遇改節婦輒屏之事舅姑以孝卒年八十一

朱氏胡志正母早寡撫二子守志又黃氏董涓明妻年十九夫歿守節有司俱表其門

邱氏譚洪謨妻年二十三夫卒砥節撫孤年八十而終張維良作詩紀之

李氏袁安定妻年二十二夫死撫遺孤守節終

張氏闕貢玉妻夫歿撫子守志子又歿卒無變志養舅姑以終身時當事旌之又曾氏詹金良妻年二十八喪夫

撫州府志

卷之二十九

列女

六八

守節孝養翁姑壽至六十終陳與和贊以詩

范氏黃喬檜妻年二十二夫亾孤幼范堅守育課年七十終蘇氏晏時昭妻年二十四夫歿子期猷四歲持節

不改盡孝養姑課子以成夫志期猷後任寧國教諭

龔氏吳好易妻胡氏鄒啓元妻俱年二十四夫卒撫孤守節卒年各踰六十

陳氏闕一元妻年二十三夫逝姑老忍死守志年七十八

卒令阮一道旌之吳氏胡應望妻年二十三夫亾無子紉蘇自給終不易志年七十卒又曾氏董建輝妻董

氏伍文貴妻俱無子守節歷四十餘年

聶氏樂曰錫妻年二十而寡子生甫半月樂矢志不他適
苦織自養以壽終 鄒氏胡鯉妻年廿五夫亾遺子璉
幼鄒課之力學以酌夫志年八十六終

袁氏陳作魁妻年二十守節事姑以孝稱又蔡氏曾繼秉
妻年二十四夫卒撫子守志俱壽至七十終

吳氏庠生董瑄妻年二十二無子毀簪珥爲夫置妾踰年
妾生男未幾夫卒吳曰烈女不醮二夫况有姑待養有
孤待撫奚玷名節爲又袁氏樂曰旻妻年二十三而寡

撫州府志

卷之二十九

列女

六九

養姑訓子俱以節終

陳氏黃文學妻年十九夫卒遺腹子生陳守節撫字卒年
八十一又吳氏何盛楊妻戴氏曾紈參妻何年二十四
曾年十九夫死撫遺腹子歷節四十餘年

龔氏黃雲煥妻年十九歸黃越數月夫卒與姑何氏苦志
礪節各以壽終陳崇常美以詩 康氏原遵德妻陳氏
原六德妻俱年少夫卒同爨相倚守節 曾氏董伯妻
年二十三夫死撫子齊爵長生孫四歲齊爵又死媳袁
氏年廿四奉姑不他適各秉節以壽終

詹氏庠生潘九德妻年十九守節卒年六十八 郭氏黃
惠七妻年二十一夫卒又王氏何常元妻十九而寡各
歷節五十餘年

王氏董勉敬妻夫歿家貧孝事翁姑數十年如一日翁臨
卒泣歎孝婦者再年八十二卒 胡氏樂尙教妻家貧
無子奉姑守節壽至七十七張仲紀以詩 吳氏原開
運妻夫病危命吳曰我無子貧甚汝早自爲計吳許以
同穴夫卒奉姑惟謹又詹氏黃公琦妻年十九守節事
姑俱年踰六十有司俱旌其門

撫州府志

卷之二十九

列女

七十

曾氏張洪麟妻年二十而寡撫孤堅守孤長能盡孝養母
曾年七十卒曾敦吾嘉其母節子孝作詩贈之

聶氏董子恕妻年二十喪夫遺孤數月翁欲遣嫁聶斷指
截髮翁知不可奪乃止年九十終

鄒氏黃子質妻年二十五夫逝遺孕生男家貧苦守年七
十三邑令龔旌之

陳氏游希孔妻年十九夫死子璫慶週歲又陳氏董玉□
妻年十八生子數月夫卒俱貧苦守志竭力養姑年逾
八十而終

康氏朱叔子妻年十九而寡遺腹四月叔子病篤囑曰生男可爲吾撫之女則他適可也未幾生女康泣曰我身絕續所係忍再醮乎乃繼姪承祀年五十九歲卒邑令寇旌之 羅氏董蕃典妻年二十孀居僅遺一女貧不易節壽終原璉美以詩

陳氏黃朝能妻年廿四夫卒課子明綱力學年七十歲吳士恒表其墓 樂氏郭希望妻歸七載夫死姑老子幼織紉以自活年七十八終 黃氏伍文瑞妻夫卒屢欲求自盡慮姑失撫有傷夫心忍死守節以終

撫州府志

卷之二十九

列女

七一

黃氏楊廷吉妻年二十二而寡遺子尙幼黃堅志撫之年逾六十陳世祿紀以詩

游氏原開榮妻年二十夫亾無嗣舅姑年老游向柩泣曰生爲原婦死爲原鬼夫其瞑目以俟敬事翁姑紡績以自度年七十七歲邑令楊旌之 曾氏董本重妻年十九夫死於楚曾誓無他志翁病侍湯藥不少衰姑手痿凡梳洗飲食舉憑曾力及歿喪葬盡禮年六十九卒 陳氏許配黃朝保未嫁夫卒陳告父母曰既納聘卽爲黃婦今不臨柩一奠曷慰我心卽往哭誓不復返守節至

八十七歲終

王氏董舉治妻年二十三夫歿子幼矢死守節翁老且喪
明王敬事之年七十二卒

曾氏董朝玉妻年十九而寡撫妾二子若己出翁姑病奉
事不怠陳與和贊以詩

邱氏董慶壽妻年二十一夫卒遺腹生女家貧邱處之怡
然人勸其改適弗聽年九十餘卒 丁氏董忠弼妻年
二十一夫死撫姪爲子苦志守節壽至六十九終

黃氏吳尙仁妻年十九夫死於閩訃至黃哀毀骨立撫遺

撫州府志

卷之二十九

列女

七二

腹子守志孝事舅姑以壽卒 闕氏董士明妻年二十
一夫卒撫孤矢志年六十九歲邑令旌其門

鄒氏樂廷宣妻年二十一喪夫初願以身殉旣臨柩吳曰
夫死婦從分也未亾人寧敢偷生奈姑與二子何願守
志以報地下年七十終 譚氏邱聚英妻年二十七夫
卒孝養舅姑教諸子成立壽至六十八

王氏陳大望妻崇正壬申間被掠不受寇辱墜崖而死
聶氏郭由謙妻值流賊掠縣橫肆淫劫聶方娠忽被賊執
強欲污之堅執不從跳井死賊取其屍剝剔其腹以孩

貫於槩爲戲至爲慘烈

陳氏張海四妻 李氏陳龍祖妻 陳氏張子叙妻

曾氏吳文昌妻 賴氏王求興妻 張氏王琳二妻

曾氏王茂五妻 劉氏王 景妻 張氏陳寵四妻

張氏女名正姑 鄧氏俱崇正壬申間死難烈婦俱旌表

楊氏董端一妻 王氏董棟七妻 陳氏張子燧妻

曾氏董心四妻 丁氏董旭二妻 張氏董受九妻

張湛九女淑姑 張福一女未姑 邱氏 張氏 王氏

楊氏 丁氏 鄧氏 以上俱崇正壬申間遇寇死節

撫州府志

卷之二十九

列女

七三

載中丞解公學龍勦寇碑記

曾氏董大觀妻 楊氏余冲顯妻 游氏武安邦妻

謝氏樂以昭妻 原氏張大成妻 楊氏唐邦美妻

王氏董懷謙妻 原氏詹文正妻 彭氏董誦堯妻

黃氏詹東旦妻 曾氏王奉訓妻 聶氏鄒人聞妻

管氏黃孟盛妻 吳氏原鳴嵩妻 黃氏武勦堯妻

黃氏詹君德妻 胡氏詹守方妻 鄧氏王道元妻

王氏黃宗武妻 董氏裘崇祥妻 原氏吳應龍妻

伍氏王敦夫妻 袁氏鄧尙儉妻 王氏陳九疇妻

原氏楊時和妻 廖氏詹允成妻 吳氏陳子俊妻
樂氏黃之翰妻 陳氏董旦成妻 龔氏黃方可妻
詹氏陳自我妻 劉氏陳 臣妻 許氏羅仁兼妻
潘氏曾宗泰妻 曾氏吳文昌妻 吳氏潘汝恕妻
丁氏郭希悅妻以上諸氏俱夫亾守志誓死不二

國朝

陳氏鄒氏俱樂清雅妻又武氏庠生樂仲正妻丙戌避亂
陳陂同爲賊執不從初殺清男守忠三婦怒罵復殺仲
女貴娥罵益甚賊怒立刃三婦仲正憤極與搏并遇害

撫州府志

卷之二十九

列女

七四

僅餘一婢鳳蘭將刦以行蘭亦觸石死邑侯楊之琳以
其事聞督撫學使俱旌之 同時蔡氏許朝顯妻朱氏
許朝榮妻丁氏許朝盛妻陳氏許爾官妻蘇氏丁顯祖
妻許氏庠生詹言遠妻董氏_{庠生} 丁陞妻陳氏聶登祿妻
以上諸氏皆避亂連河賊至同授曾春門外池中死今
呼爲義婦塘

丁氏董德序妻年二十夫卒男之仁甫三歲甘貧苦守丙
戌遭寇亂舉家不屈俱遇害

鄔氏楊鸞十妻丙戌被寇掠賊強逼之鄔憤罵不從以頭

觸地賊怒即碎其屍

張氏庠生陳應試妻時值外族構難入陳境焚劫張被執不從使同執婦誘之罵愈甚賊怒撻之張嚼血噴賊寸磔而死

王氏陳本禮妻避亂爲兵所掠王罵不絕口遂被害

原氏孝子原迪德女適李愈謙丙戌原被兵刦強逼不從身被數刃而死

伍氏邑庠龔俊選妻丁亥間王得仁叛伍避寇不及路旁有池伍躍入賊下水掖之伍怒罵仰面迎刃沉於水越

撫州府志

卷之二十九

列女

七五

三日得其屍面目如生

董氏名育蘭張美立妻年二十一遭寇亂同夫逸難遇掠欲污之董以頭觸地奪刃欲自刎賊怒遂殺之

龔氏楊誦六妻庚寅間楊悍僕生亂結黨恣勢淫殺一日圍河源婦女被掠者數十人龔獨挺身相抗雖寸磔罵不絕口至爲慘烈

何氏庠生李梅實妻夫卒于郡聞訃即求自盡姑勸之曰汝夫雖死汝存即夫存毋輕殉以重予戚因忍死奉姑育姪爲嗣居兩載值寇發難何懼辱入暗室縊死

龔氏李巨二妻年二十五夫故無子哀哭屢絕水漿不入
口者數日家人力勸之稍食乃約父母昆弟至泣別口
欲作未亾人夫又無所遺寧相從於泉扃耳遂自縊
又節婦萬氏二女名與里居不及攷縣志載于陳與和
詩集得之

蔡氏胡應符妻夫歿蔡年二十八撫子守節後娶婦陳氏
子復歿姑婦同守俱年逾六十終尤司馬旌其門

原氏黃世謨妻歸黃三載夫歿撫孤未久孤亦夭守節終
曾氏戴啟文妻又詹氏黃觀五妻曾年十八詹年二十一

撫州府志

卷之二十九

列女

七六

俱無子守節各歷四十餘年

游氏董廣卿妻年二十寇至夫婦被掠廣卿遇害游抗拒
不屈賊斷共臂幸免死後守節歷年九十終

游氏樂志和妻妾袁氏夫喪俱年幼同誓守志又周氏曾
國用妻李氏曾國光妻曾年二十五李年二十一夫卒
兩氏共守俱年逾七十卒

游氏楊士麟妻年二十七夫亾家貧紡績課子時遭寇發
翁姑俱被掠命子竭力往贖事聞以節孝旌

詹氏陳聖政妻年二十四而寡撫遺孤守節事姑以孝年

七十五終

黃氏邑庠陳德溥妻年二十一溥死於寇黃抱屍欲殉母力勸之乃止家貧撫子從母以食壽至七十五

原氏樂尙信妻戴氏黃定際妻原年二十五戴年十八夫卒撫孤矢節年踰八十

繆氏游天成妻年二十夫卒撫孤守志事翁姑以孝值難作流離七載繆誓死不二邑令旌之年八十

曾氏劉守謙妻年二十一夫死撫遺孤半歲舅姑俱老曾誓死守志年八十一卒 周氏黃玉贊妻又蔡氏曾曰

撫州府志

卷之二十九

列女

七七

文妻周年十八曾年二十二夫歿撫子事姑各歷節五十餘年

曾氏武席禧妻年十八夫死於寇孤增祥尙幼忍死鞠之祥長娶康氏三載祥復卒曾哀痛欲自盡康泣曰夫雖死幸有吾存願代夫以終養其母欲令他適康拒之曰夫死而吾不死者爲老姑在耳毋多言逼吾于死也相依苦守始終不渝曾年七十九康年五十六卒

李氏胡自澄妻年二十二夫逝遺二孤食貧甘苦時值寇作李抱子依兄弟家兄命之嫁不從復迫之毀容剪髮

以誓年七十三

黃氏原金謀妻董氏胡時和妻黃年廿八董十九俱夫亾
守志撫孤成立邑令旌之

楊氏武益俊妻年十八夫卒水漿不入口者五日姑力勸
之乃食撫半月孤子守節家計貧甚養姑克全孝道年
八十終 陳氏鄒宗榮妻年二十六夫死于兵陳撫六
歲孤誓不易節織紵以事舅姑邑令周申詳旌之

陳氏貢士詹運章妻陳事翁姑至孝相夫顯名有古賢女
風無出妾謝氏生一子鄧氏生二子夫卒三婦共持苦

撫州府志

卷之二十九

列女

七八

節未幾陳歿謝鄧相顧泣曰今而後承先啟後爲門戶
計者不在吾與若耶課子成立邑令吳表其門

游氏管九匡妻年二十四夫亾撫子養姑甲寅值寇作難
游苦節堅守年七十九終

董氏邱忠一妻年十九生子幼夫歿祖姑及姑皆老董脩
嘗艱苦克盡婦道已而金家俱死董煢煢隻影見者莫
不傷心年七十有二

余氏樂鳳岐妻年二十三夫死于寇撫遺腹子守志甲寅
復遭亂困苦成病以終年五十九

聶氏鄒朝元妻年二十六夫歿子幼家貧惟勤苦死守歷四十餘年邑令吳表其閭

陳氏庠生鄒鼐妻鼐嗜學早卒陳抱屍痛哭即閉戶自縊姑覺而救之得不死遂斬鬪盟心年六十九卒 又胡氏庠生何邦俊妻年二十四而寡矢死守節歷三十餘年邑令俱旌之

詹氏張斗冲妻年二十二夫喪誓死守節事姑以孝稱時值寇作詹勁節自持外患寢息年七十有七 鄒氏詹新輝妻輝卒鄒年廿四奉姑鞠子艱苦備嘗年七十卒

撫州府志

卷之二十九

列女

七九

郭氏鄒來鸞妻年二十一夫死家貧無子郭欲自盡痛念夫死他鄉奔喪故里誓死同穴歷節三十餘年

謝氏庠生胡映奎妻奎亾謝年二十八泣曰吾當以死殉然吾子誰撫耶課子澄甫長復棄世遺孫三歲謝撫之年七十而終

陳氏游先程妻年二十夫卒家貧姑老止遺一女陳曰夫死殉夫吾志也奈老姑何因撫女事姑守志不二壽七十有餘

游氏闕朝卿妻年十九而寡無子守節立從子爲嗣

胡氏鄒繼禹妻二十七喪夫家貧無子誓死不易節年逾七十而終

龔氏蕭以託妻年二十夫亾甘貧苦守織紝爲生其母勸之再醮龔毀容自誓姑病危焚香籲天祈以身代卒年六十三

游氏張以珍妻年十九生子一夫死痛哭不食姑指孫哀勸之曰此子存夫亾猶未亾也汝善爲保孤計游始忍死以慰姑心年六十有六司馬尤旌之 周氏楊維在妻又龔氏庠生易况妻周年二十二龔年二十一夫歿

撫州府志

卷之二十九 列女

八十

事姑撫子歷節俱五十餘年

詹氏余汝捷妻年十八夫卒遺孤尙幼詹拮据鞠養子復卒撫孫成立年八十有三

黃氏萬純妻年二十而寡誓不易節壽至七十四終

康氏殷廷琮妻年十九夫亾子賓甫週歲值難作康扶姑抱幼子避地數載流離困苦姑賴無恙課子賓甚嚴年七十卒 李氏詹應兆妻又劉氏黃應仲妻李年二十八劉年十九守節撫子奉姑俱歷三十餘年

詹氏黃興善妻年二十五夫卒姑老子幼詹守死不易節

曾氏董義五妻年十八夫死守節事姑課子以義方年逾七十終

易氏朱思皇妻年二十一而寡遺孤二皆幼易撫二子成立事庶姑最得歡心年六十三終

易氏名藕英殷廷瓚妻年二十夫亾生子甫九日家甚貧姑曰少寡而貧若何易泣曰孤失怙矣復失恃可乎況節女豈再適耶矢死靡他歷年八十九卒

原氏樂先進妻年二十四夫歿守志撫孤壽至八十一卒
詹邇逯贊以詩

撫州府志

卷之二十九

列女

八一

鄒氏庠生何謂善妻年二十一而寡子毓秀方三歲鄒苦志守節子又歿遺妻陳氏姑婦同守並以壽終 又游氏庠生武之正妻年二十三夫死誓不改醮奉寡姑陳氏旦暮紡績相依苦守卒年八十有司俱旌之

龔氏庠生楊學震妻年二十七夫卒無子守節撫叔學稷子爲嗣延師督課年九十一終以嗣子孕第貴勅封太恭人 何氏庠生游雲從妻年二十七夫亾無嗣堅志自守撫姪士鵬爲嗣壽至七十八董效仲美以詩

原氏原瑞女適陳櫪生未嫁時嘗與父論四德三從父甚

大其志歸未越三年夫卒遺子來師方四月父曰女必爲夫全節矣後果如其言年七十三歲又王氏董鑑妻夫死守節歷四十餘年董忠純有詩美之

易氏朱英玉妻年十八英玉卒服畢姑曰年少無嗣奈何易泣曰守節以爲夫嗣曷計□孝事舅姑終始不易節楊氏名掌珠萬挹妻年廿五爾寡遺腹七月生子維新姑老楊甘貧忍苦績蔴以贍俱五十九歲卒

黃氏曾汝二妻汝二早卒黃年二十五無出妾遺腹生子家貧守志與妾勤紡績邱事繼姑以孝聞教庶子克有

撫州府志

卷之二十九

列女

八二

成立年五十八歲 馮氏陳舒政妻年二十五生子七月舒政死馮甘貧守志織紝自給歷節五十餘年邑令胡旌之

康氏鄒立德妻年二十三夫卒子爾玉甫週父母憐其年少勸之他適康曰事二夫非烈女也誓死不二事舅姑至孝姑病篤泣告天地刲股食之即愈年六十一歲龔氏詹爾遇妻幼時父口授列女傳輒能成誦及歸事翁姑至孝相夫成名年二十八爾遇卒龔屢求殉姑百計止之矢志礪節訓諸子極嚴嘗曰汝曹弗克以詩書繼

家聲吾無面目見汝父于地下也後子琪芬成進士臨川胡令有記

詹氏胡國英妻年二十夫死守志母家有憐其貧者諷使
他適詹拂然拒之不復往來歷年五十歲

楊氏庠生朱大受妻年十九生子二受歿楊堅守撫孤長
復歿常泣頤次子曰汝父賫志早世汝兄復天瑩瑩孤
立宜痛自刻厲以紹家聲年七十有六

楊氏殷世維妻年十九而寡遺腹三月生子而明堅志撫
孤繼姑強令他適楊引刀割髮自誓姑乃止歷節六十

撫州府志

卷之二十九

列女

八三

載 游氏鄒思彬妻年二十一夫亾遺孤方數歲決志
死守有憐其貧者諷之嫁游拒曰寧餓死肯失節耶勸
者慚而退年六十八歲

董氏黃朝貢妻年二十二夫亾斷髮毀容誓死不二孝事
舅姑訓子以嚴著壽至六十八又游氏康濟十妻年二
十二夫亾姑勸之嫁亦截髮自誓守節至七十餘年

易氏康珂九妻年十八歸康夫卒哀痛不食欲與夫同死
姑泣勸曰兒雖亾幸有遺腹汝死宗祀曷賴焉乃食越
五月子生易苦志撫養督責最嚴年八十五邑令馮旌

之 曾氏譚天錫妻鄧氏張氏林弱妻俱妯娌守節
陳氏康爾正妻年廿一夫歿子念五甫三歲家業蕭然隣
婦有再醮者諷使他適陳叱之曰烈女豈效汝邪婦羞
慚而退後子復天撫孫以終志年六十卒

陳氏董嘉裕妻年十八歸董時夫病篤陳侍疾不懈踰七
日夫卒陳搥胸噴血即隨夫死周學憲旌以皎日流芳
董氏邑庠蕭舉妻年二十三而寡撫子守節後子長娶婦
俱早歿董撫孫終志年七十二 陳氏董梅妻年十八
夫死守節撫孤尋子婦俱天陳撫二孫以終年九十八

撫州府志

卷之二十九

列女

八四

魚學憲旌之

謝氏許字游泗生未歸游卒謝同母奔吊哀踴瀕絕母虞
其殉強攜歸謝誓死不二父母微諷之不許越三年父
私受某氏聘謝聞之即投繯自縊死時年二十二邑人
原敬傳其事

原氏胡鳳來妻年二十二夫卒哀痛屢絕喪葬畢原沐浴
更衣自經死邑令旌其門

曾氏蕭君顯妻年二十一夫死二孤俱幼曾砥節撫之備
歷艱苦年六十卒周學憲旌之

李氏董復彥妻年十九夫卒誓志不二撫孤守節年七十有八

張氏董可昇妻年二十四而寡誓志守節撫子養姑歷四十八載

張氏丁兆敬妻年二十一夫卒撫孤守志孝事翁姑歷四十二載卒

龔氏羅氏俱丁祥祖妻祖早歿龔年二十八羅年十九同心守節撫孤成立人稱雙節龔卒年七十五羅卒年六十二

撫州府志

卷之二十九

列女

八五

廖氏羅興祖妻年二十三夫卒欲投環自盡姑力止之事故教子歷節三十五年

李氏羅惟瑞妻年二十五夫亾父勸其改適卽剪髮自誓甘貧撫孤年至六十八

吳氏鄭以仁妻年二十五而寡矢志苦守撫子養姑尋子婦俱歿吳痛傷病卒 張氏譚文璧妻年二十八夫死守節學憲王旌之

曾氏黃一山妻何氏黃接宗妻曾年二十何年二十四俱家貧守節撫孤成立以壽終

李氏黃子章妻年廿五夫亾苦志守節卒年七十有六
鄒氏黃雲章妻年二十六夫亾守節四十三年卒

周氏袁志文妻年二十五夫故家貧守節撫孤卒年七十
三 陳氏曾全三妻年十九夫亾無嗣苦節自守壽至
八十二終 曾氏原學懿妻年二十三喪夫家貧無嗣
日夕紡績自給守節四十八年終

殷氏戴士俊妻年二十二喪夫守節三十二載終

樂氏原述聖妻年二十喪夫家故極貧釜甑不備至以瓦
甕爲炊身力紡績甘苦如飴壽至七十八卒

撫州府志

卷之二十九 列女

八六

李氏余國祿妻年二十一喪夫家貧自力孝事翁姑守節
四十四載知縣崔澣旌之

董氏鄧公耀妻年二十四夫卒苦志守節卒年九十一子
文淇庠生 曾氏原淳祐妻游氏樂廷暘妻曾年二十
游年二十八俱夫亾守志撫孤成立

李氏詹應鵬妻年二十七夫卒堅守苦節歷二十五年雍
正四年建枋旌表

樂氏原肇鎬妻朱氏詹來宸妻樂年二十八朱年二十一
供夫亾守節建枋旌表

黃氏詹懋集妻年二十而寡忍苦守節孝養姑嫜年七十
三卒雍正四年旌表

陳氏張爌爌妻年二十夫亾無子葬夫畢卽躍入屋後塘
內姑救獲甦越三日復行自縊父母力勸之乃止誓志
守節雍正六年旌表

胡氏管思錦妻年二十三夫死哀慟欲自盡姑泣抱遺孤
勸之乃誓死守志雍正六年旌表

黃氏曾士洪妻年二十九夫亾家貧無嗣紡織爲食守節
四十五年卒

撫州府志

卷之二十九

列女

八十七

袁氏鄒宗梅妻年二十三喪夫家貧苦守壽至八十四卒
知縣吳順獎以節壽流芳 郭氏熊國嶸妻年二十一
夫亾守節二十八載

陳氏曾士淙妻年二十五夫亾紡織事姑訓子行萬邑庠
生有文名壽至七十餘終知縣郭孝思以節壽齊芳顏
其堂

康氏胡萃達妻年二十八夫亾無嗣守節年八十有四知
縣郭孝思獎之

游氏庠生鄒維藩妻年二十七喪夫脩嘗艱苦守節三十

八年卒子炳璿邑庠生

董氏陳文焯妻年二十夫喪家貧無子守節四十年卒

黃氏董萬新妻年二十夫亾無子足不出閨門數十年如

一日年七十有八 羅氏聶士拱妻年二十夫故守節

卒年七十二 黃氏熊聯元妻年二十一夫亾家貧紡

織撫孤歷四十六年

游氏鄒學選妻年二十七夫亾守節年九十卒 袁氏聶

士選妻年十七夫故家貧無子苦志自守卒年七十二

陳氏庠生詹吉士妻年二十二吉士早喪陳截髮殉葬膏

撫州府志

卷之二十九

列女

八十八

沐不施課子至老不怠年五十六歲以完節終

方氏庠生詹學仕妻年二十三夫喪方苦守奉姑課子爲

楷勗以砥德立名後楷髫齡入庠舉明經方年六十四

卒 龔氏楊繪妻年二十六喪夫撫遺孤守志卒年^{十五}

聶氏舉人董光綸妻年十九夫會試卒于京遺子甫週接

訃斷食誓以身殉哭泣三日而死闔縣上其事知縣郭

給扁旌獎 龔氏楊之印妻夫亾守節年七十二終

陳氏生員董奇耀妻年二十五夫亾家貧撫孤織紡度日

子死嗣絕艱苦備歷年七十二而卒

東鄉縣列女

元

黃氏名嗣正金谿黃以權女適東鄉吳泰發發客死三衢
黃迎樞歸葬自製誄詞淒楚慘烈時年二十七躬課二
子賦三十韻詩勉之大德間郡上其事旌表 同時吳
邵菴仲子哀婦生男一女二皆幼亦年二十七而寡誓
不改適邵菴謂此婦與黃氏婦德頗同俱不能文耳

明

周氏梁元五妻正德七年賊犯境周負其姑劉以遁遇賊

撫州府志

卷之二十九

列女

八九

推劉納溝中將縛周于馬周反覆顧姑顛仆于地賊殺
之

張氏李貫五妻正德庚午盜起婦女被掠者皆厚貲贖歸
貫戲語張曰汝倘爲擄慮不能具贖張曰不患無金但
患來贖時吾已死矣未幾夫婦被執張解手釧給賊令
放夫還脩金來贖賊信之度夫去遠噴血罵賊支解死
知縣范永鑾以詩吊之 同時陳氏歐盖十妻晏氏梁
伯一妻亦罵賊死事平郡邑上其事俱表其門

周氏監生陳忠妻正德庚午臨川令龍誥督兵捕盜忠率

鄉勇往援賊怒悉衆攻陳族力不支周悉解釵釧授忠
曰事急矣宜爲生計勿以妾爲累忠潰圍而出賊執周
氏逼之罵不絕口投河死忠嫂王氏揭氏弟嬪張氏饒
氏王氏姪女金玉俱投池死一家七烈事聞旌表
陳氏全式二妻萬氏式三妻俱被賊執俱辱投章橋池中
死部使韓公表之 同時何氏王白二妻李氏白九妻
俱投湖潭井中死

黎氏御史王常妻子六皆親教訓規矩條約甚于明師
小有過召至庭下讓之長跪待罪御史以言事謫莆田

撫州府志

卷之二十九

列女

九十

令出柱聯曰牧民猶帶舊風霜黎曰今本牧民焉用風
霜爲哉請以無事二字易猶帶字常欣然從之

倪氏某氏婦也夫淫佚無耻倪苦勸之不聽且日甚焉倪
泣曰有夫如此不如死三日不食舁之母家截髮不復
歸亦不更適太守吳華贈以詩曰滿頭怒髮年年斷孤
枕清風夜夜寒

周氏吳偉妻以孝謹稱偉卒子衷五歲父欲嫁之以死相
拒學士劉三吾爲之傳 趙氏年十七歸李正一半載
正一叾父母欲奪其志剪髮自誓吳康齋贈以詩 又

徐氏饒寬烘妻歸七月夫卒後五月生子文節同室利其不育徐知之攜孤育外家守志四十年俱正德間旌表

李氏何璇廿九妻璇少孤年二十二客外死父迫李嫁李以簪入耳中手自拳之至歿復拔出血濺如注姑呼救已死

李氏吳驥妻早寡而子天或勸其他適李曰夫不幸早世又不幸無後有他志吳祀斬矣乃撫猶子夢龍爲嗣堅守不二 饒氏李瓊章妻瓊積學有文名早卒饒年十

撫州府志

卷之二十九

列女

九一

八無子撫姪楚生守節終

饒氏樂煌妻年二十四而寡子幼舅姑欲奪其志饒閉戶置孤膝上大慟數日水漿不入自縊者再四不窺戶二十年教子世亨績紡以資之年七十終 周氏吳一奎妻夫歿誓不再醮敬事舅姑家饒甚周曳履敝衣若貧女子狀嘉靖間邑令並旌其門曰正節

張氏庠生吳賁亨妻年二十四夫亾將殮手持殮布暈地幾絕殮者斬斷布頭始得畢殮旣甦張執布不起進賢學博萬象題其布曰節婦之志久煉之剛百年一日與

布有光張得布乃起畢葬手縫一囊佩以自隨早寡□
嗣鄉人咸高其節

何氏艾賢妻賢早卒何年二十誓不二志事舅撫孤孀居
五十餘年後子挺領嘉靖癸酉鄉薦任潯州通判得請
建坊 艾氏樂國耀妻耀卒艾年十七外母欲令改適
艾以死自誓與寡姑同居一室撫遺腹子持節以終邑
令張表之

樂氏王詔妻年二十五夫亾撫遺腹子守節嘉靖間旌表
楊氏鄒士興妻早寡夫兄欲奪其志即削髮刺睛守節以

撫州府志

卷之二十九

列女

九二

終 袁氏王朝佑妻早寡守節壽百有四歲

戴氏儒生日陞妻夫死守志事繼姑極孝生四子珩中進
士瑗副榜三四俱邑庠有司旌以節孝流芳

國朝

黎氏名珮玉楊同人妻幼涉經史慕古節烈及適楊甘貧
無怨以不逮事舅姑爲恨乙酉偕夫避兵竹山里坐卧
一小樓者五月丙戌復避餘干惡近市與夫遷避僻塢
中後兵稍息轉避本邑東源里越二年兵又至黎遇兵
于道正色嗔目兵奪其釵環而去黎返次嘆曰我不能

早逝致釵環爲賊奪難潔其名古有斷腕全節者今何惜一死其夫曲勸之終不懌是夜暗與子訣嗚咽不能言從容整服自經死

吳氏梁究五妻丙戌被兵擄驅逼同行吳懼辱疾走數百步遇沙溪赴水死

張氏陳丕承妻甲寅間丕承死于寇張年二十一無子撫女守節紡績以自活奉舅姑終老殮葬悉張手營邑令旌以勁節標芳 徐氏李極生妻年廿七而寡無子守志性孤峭以死自誓年七十有八

撫州府志

卷之二十九

列女

九三

揭氏張華妻年二十五而寡遺腹五月生子接甘貧守志事姑極盡孝道邑令表以孝節可風 曾氏年十七歸謝氏子越二年夫死撫遺腹子勤操作以養舅姑以節終

樂氏辛連妻年十六歸連越歲連死無嗣姑令改醮樂曰從夫地下婦志也不則守死辛門若更事他人婦耻不爲况夫歿無嗣婦去夫祀斬矣乃立姪魏孫爲繼教養繼子并及其孫歷節五十餘年高令以勁節遐齡表之壽七十卒

陳氏李克春妻年二十五喪夫家貧或說其改適陳誓以死守養姑教子常扃戶深居卒年七十三 徐氏何發妻年二十夫死兵亂矢志不渝課子成立事姑以孝聞 邑令俱旌之

李氏諸生梁棟妻食貧佐讀甲寅寇發棟卧病賊至欲執之去李嚙指告賊曰爲夫病故不爾避若擄我則我與夫俱死于若無利也賊義而釋之棟旋卒子甫一歲李孀居撫孤四十年如一日

吳氏艾士旦母夫客滇中卒于外吳年二十一士旦甫三

撫州府志

卷之二十九

列女

九四

歲誓死撫孤居喪盡禮家貧苦無立錫延師課子皆其紡績所給迨士旦 恩科獲雋人以爲節孝之報云

艾氏徐孟威妻年十九威卒子機方週艾哭夫至嘔血誓志守節孝事舅姑家貧紡織不倦子機補弟子員 傅氏樂素梅妻年二十夫亾姑喪撫三歲子守志事翁無失禮子世垂孫廷勳廷亮俱諸生吳鳴盛爲傳記之

楊氏庠生艾奏凱妻初歸艾以孝聞年二十五奏凱歿撫孤終志教育惟勤姑年且七十病垂危楊焚香祝天願以身代聞者爲之淚零 徐氏艾復旦妻夫早卒徐年

二十五子四歲父母強令他適徐截髮爲誓事姑孝誨子嚴肅歷三十五載

熊氏宗孫汝妻年二十五夫卒熊舉目無親撫孤子四壁蕭然及長督子力作每收穫爲兩孤分任其勞蓋節中之最苦者 艾氏樂斌妻斌歿艾年二十二子希仲方三歲伶仃無倚艾操作拮据教子成立邑令旌之

周氏馮良生妻年二十七夫死周哀毀骨立誓撫四孤姑以哭子喪明時憂忿不食周撫弄諸孤於側強作笑語解之孤長命各習業常曰生人最上惟勤不特可給衣

撫州府志

卷之二十九 列女

九五

食亦能保無蕩志守府旌以勁節凌霜

徐氏陳婦年二十三夫歿無嗣撫姪守節紡績以供食終無怨言年六十有五 陳氏庠生周光斌妻年二十斌卒無子陳乞小叔代養之誓守不再適邑令俱旌其門何氏周天貴妻年二十三而寡矢志死守敬奉舅姑撫二孤成立 吳氏梁明佐妻年二十六明佐卒子甫三歲姑命改醮吳曰老姑在夫尙有子是夫猶生之年也即斷髮爲誓忍饑餓操作歷四十餘年

□氏吳宏可妻年二十一夫亾或以無子諷之倪厲聲曰

無多言吾分如是截髮毀容不出閨闕者四十年有司聞而旌之

危氏樂廷宣母夫早歿危年少子釋舅姑皆就衰因貧命以改適危曰棄二老兩孤而更事他人何以見夫于地下甘貧守節年八十五卒

黎氏王和衷母年二十四衷父卒黎剪髮斷指以守節誓號慟遂成瞽疾家貧羹藜自活以教孤爲急後子學成黎雙目復明都人士奇之

萬氏樂桂芳妻桂芳早歿萬年二十子幼舅姑皆年老萬

撫州府志

卷之二十九

列女

九六

自操機織以贍養舅姑病藥食必躬親既卒萬治喪具如禮邑令題其堂曰柏節柳風

陳氏邑庠樂天秩妻事舅姑至孝姑病劇陳躬侍湯藥終始不怠姑卒事繼姑亦如之繼姑鍾愛愈甚年廿五夫卒搶地呼天欲經以殉繼姑慰解之撫兩幼孤日勤紡績以資食子琬爲郡諸生有文名陳卒年四十九

胡氏徐公茂妻年二十二夫卒長子三歲幼子敏在孕胡誓死守志孝事舅姑教子敏爲諸生歷三十餘年

傅氏謝封遠妻臨川傅公鼎銓姪女孝事舅姑年二十三

而寡撫孤守節壽六十有六 艾氏庠生饒亮采妻年十九歸饒甫半載亮采病亾艾欲以身殉舅姑力止之竭力孝養居常沉寂銷削不聞其聲年六十五卒

徐氏熊子英妻年二十五夫亾長子五歲幼子方在抱家貧甚初翁姑養鄒姓兒供薪水徐乃遣鄒歸宗去手自拮据紡績以供食其母欲令改醮徐堅拒之邑令表曰正節可風 吳氏饒子達妻年二十歸饒六載子達死越七日孤生茹荼撫孤事舅姑以孝著鄉里高之

余氏周乞生妻未嫁乞生死痛翁無嗣鬻妝貲爲翁續娶

撫州府志

卷之二十九

列女

九七

生兩子余守節終身邑令旌之 陳氏謝美生妻年二十二夫卒無子甘苦守志以女紅自養年七十三 馬氏陳鳴虞妻姑病篤馬解衣剗肝昏仆之際見兩金甲人翼之絕而復甦姑病旋起邑令爲表其門 吳氏李介石妻徐氏王明若妻又鄭氏白拱薇妻俱割服救姑 胡氏周青來妻年二十無子夫亾誓與同穴家人力防之不得遽死胡托歸寧泣別父母囑死日必葬夫側隨歸家若無死意令家人不爲防越三日晨起梳櫛盡縫衣履以小帶自經死邑人上其事郡守任旌之